

四庫全書

子部

欽定四庫全書

子部  
莊子翼卷二

詳校官監察御史龔麟文

檢討臣何思鈞覆勘

總校官進士臣何思鈞

校對官中書臣張曾效

謄錄監生臣徐汝雄

欽定四庫全書

莊子翼卷二

明 焦竑 撰

人間世第四

郭註與人羣者不得離人然人間之變故世世異宜唯無心而不自用者

為能隨變而不荷其累也

顏回見仲尼請行曰奚之曰將之衛曰奚為焉曰回聞衛君其年壯其行獨輕用其國而不見其過輕用民死死者以國量乎澤若蕉民其無如矣回嘗聞之夫子曰

治國去之亂國就之醫門多疾願以所聞思其則庶幾  
其國有瘳乎仲尼曰謏若殆往而刑耳夫道不欲雜雜  
則多多則擾擾則憂憂而不救古之至人先存諸已而  
後存諸人所存于已者未定何暇至于暴人之所行且  
若亦知夫德之所蕩而知之所為出乎哉德蕩乎名知  
出乎爭名也者相軋也知也者爭之器也二者凶器非  
所以盡行也且德厚信仁未達人氣名聞不爭未達  
人心而彊以仁義繩墨之言術暴人之前者是以人惡

有其美也命之曰菑人菑人者人必反菑之若殆為人  
菑夫且苟為悅賢而惡不肖惡用而求有以異若唯無  
詔王公必將乘人而鬪其捷而目將熒之而色將平之  
口將營之容將形之心且成之是以火救火以水救水  
名之曰益多順始無窮若殆以不信厚言必死于暴人  
之前矣且昔者桀殺關龍逢紂殺王子比干是皆修其  
身以下傴拊人之民以下拂其上者也故其君因其修  
以擠之是好事者也昔者堯攻叢枝胥敖禹攻有扈國

為虛厲身為刑戮其用兵不止其求實無已是皆求名  
實者也而獨不聞之乎名實者聖人之所不能勝升也  
而況若乎雖然若必有以也嘗以語我來顏回曰端而  
虛勉而一則可乎曰惡惡可夫以陽為充孔揚采色不  
定常人之所不違因案人之所惑以求容與其心名之  
曰日漸之德不成而況大德乎將執而不化外合而內  
不訾其庸詎可乎然則我內直而外曲成而上比內直  
者與天為徒與天為徒者知天子之與已皆天之所子

而獨以已言斲乎而人善之斲乎而人不善之邪若然者人謂之童子是之謂與天為徒外曲者與人之為徒也擊跽曲拳人臣之禮也人皆為之吾敢不為邪為人之所為者人亦無疵焉是之謂與人為徒成而上比者與古為徒其言雖教謫之實也古之有也非吾有也若然者雖直不為病是之謂與古為徒若是則可乎仲尼曰惡惡可太多政法而不諫雖固亦無罪雖然止是耳矣夫胡可以及化猶師心者也

焦向云草芥也崔云其澤如見楚夷言野無青

草也趙云死者以國量乎澤積尸平澤以澤為量也若  
蕉刈民如草菅也有危國名在今京兆鄠縣居宅無人

曰虛死而無後為厲術與

述同江南古藏本作術

郭注

一行獨不與民同欲也輕用其國者人君動必來人  
一怒則伏尸流血一喜則軒冕塞路故君人者之

用國不可輕也不見其過莫敢諫也輕用民死輕用之  
于死也死者以國量乎澤若蕉舉國而輸之死地不可  
稱數視之如草芥也民其無如矣無所依歸也道不欲  
雜言宜正得其人若夫不得其人則雖百醫守病適足  
致疑而不能一愈也古之至人有其具然後可以接物  
彼不虛心以應物而役思以犯難故知其所以存于已者  
未定也夫唯外其知以養真寄妙當于羣才功名歸物  
而患慮遠身然後可以至于暴人之所行也且德之所  
以流蕩者矜名故也知之所以橫出者爭善故也雖後  
樂蹈其所矜惜無非名善也名知者世之所用也而名



起則相軋知用則爭興故遺名知而後行可盡也夫投  
人夜光鮮不棄劍者未達故耳回之德信與其不爭之  
名彼所未達也而強以仁義準繩于彼彼將謂同欲毀  
人以自成也是故至人不役志以經世而虛心以應物  
誠信著于天地不爭暢于萬物然後萬物歸懷天地不  
逆故德音發而天下響會景行彰而六合俱應始可以  
經寒暑涉治亂而不與逆鱗连也舊人者人必反舊之  
適不信受則謂與已爭名而反害之也苟能悅賢惡愚  
聞義而服便為明君君明則不苦無賢臣汝往亦不足  
復奇如其不爾往必受害故以有心而往無往而可無  
心而應其應自來則無往而不可也汝唯有寂然不言  
耳言則王公必乘人以君人之勢而角其捷辯以拒諫  
飾非而目將焚之使人眼眈也色將平之不能復自異  
于彼也口將營之自救解不暇也容形心成乃且釋已  
以從彼也名之曰益多適不能救乃更足以成彼之盛  
也順始無窮尋常守故未肯變也不信厚言未信而誅

雖厚為害也龍逢比干居下而任上之憂非其事也故其君擠之不欲令臣有勝君之名也夫暴君若叢枝膏教有也非徒恣欲乃復求名但所求者非其道耳惜名貪欲之君雖復克禹不能勝化也故與衆攻之而汝乃欲空手而往化之以道哉端而虛正其形而虛其心也勉而一言遜而不一也惡惡可者言未可也衛君亢陽之性充張于內而其揚于外強禦之至也采色不定喜怒無常也夫頑強之甚人以外快事感已已陵藉而乃抑挫之以求從容自故而遂其侈心雖小德且不能成將故守其本意執而不化即汝之端虛勉一外合而內不謦此未足以化之也顏回更說三條內直者與天為徒言物無貴賤得生一也故善與不善付之公當耳一無所求于人若然者依乎天理推已性命若嬰兒之直往也外曲者與人為徒言外形委曲隨人事之所當為也成而上比者與古為徒言成于今而比于古雖是常教有諷責之旨然寄直于古故無以病我也仲尼猶以為

未可意謂當理無二而張三條以政之與事不冥耳雖未弘大亦且不見咎責然於化則未也以其挾三術以適彼非無心而付之天下也

呂注

頽回欲屈已伸道夫子不許惡雜多之為擾而不救也先存諸已而後存諸人則無適不可今回存

諸已者未定何暇至于暴人之所行德蕩知出爭之器也且德厚信矻足以達人氣而使不至于鄙倍名分不爭足以達人心而使不至于忌疑而後可與有言也今回未及此而強以仁義繩墨之言開導于暴人之前者有其美而人惡之也彼好名而已軋之以名彼好知而已出之以知使之由乎凶器是蓄之也觀其所出知其所反則回之往殆為蓄耳苟人君悅賢惡不肖則與汝同矣汝惡用求異哉汝與之言徒唯諾而無詔告彼必乘人而闢其捷辨氣色拂厲而目熒心成求解免順從之不暇是猶以水救火以火救火則順始無窮矣彼不

以信厚期我而與之言必死于暴人之前矣昔龍逢比干修身拊民疑于斂恩故其君擠之亦好名而已堯禹之于蕃國猶不能化必至于滅之是名實者聖人不能勝而況若乎端而虛非至虛也勉而一非至一也驕滿于中發見于外抑人所感求快其心小德猶不成況大德乎以之格其君不過外合內不訾而已又何足以化彼夫以已之言而斬人之善不善以已賤而人貴故也自道觀之天子之與已皆天之所予何分別于其間與天與人與古為徒回謂以三者趨變庶乎其可然以此應物非得一而無心此所以為太多也外則寓直于古則是政人以法不以人而易其所知是不諫也諫者塞現人意而得之則固矣雖亦無罪惡可以及化以其師心而未能力無心也

新傳

聖人無名所以無為無智所以無得無為則物莫不歸無得則物莫與競常人好名用智所以有為

有得也有為則物不相服有得則物必與  
競故曰名也者相軋也智也者爭之器也

湏溪

而目將營之色將平之兩語極一時流適之狀此  
時方恍然失其為我方遽就求退之不能沉暇與

之辨口將營之欲出口而不能但經營吻間正是苦處  
容將形之雖未言而依違俯仰固已屈矣心且戍之若  
且放過為後圖也皆人情展  
轉所必至者舊解多失之

筆乘

若唯無詔王公句絕詔告也汝唯無告王公則  
已言則必且乘人而闢其捷云云皆指顏子也

顏回曰吾無以進矣敢問其方仲尼曰齋吾將語若有  
而為之其易異邪易之者皞天不宜顏回曰回之家貧  
唯不飲酒茹葷者數月矣若此則可以為齋乎曰是

祭祀之齋非心齋也回曰敢問心齋仲尼曰若一志無聽之以耳而聽之以心無聽之以心而聽之以氣聽止於耳心止于符氣也者虛而待物者也唯道集虛虛者心齋也顏回曰回之未始得使實自回也得使之也未始有回也可謂虛乎夫子曰盡矣吾語若若能入遊其樊而無感其名入則鳴不入則止無門無毒一宅而寓于不得已則幾矣絕迹易無行地難為人使易以偽為天使難以偽聞以有翼飛者矣未聞以無翼飛者也聞

以有知知者矣未聞以無知知者也瞻彼闕者虛室生

白吉祥止止夫且不止是之謂坐馳夫狗耳目內通而

外于心知鬼神將來舍而況人乎是萬物之化也禹舜

之所紐也伏戲

義

几筵之所行終而況散焉者乎

向云  
辟天

自然也崔云德不及聖王為散符指性而言揚雄答賓

戲慎修所志守爾天符正言性與天合如符春然也耳

目本外而狗之于內心知

本內而黜之于外虛也

郭注

夫有其心而為之者誠未易也以有為為易未見

其宜也若一志者謂去異端而任獨也遺耳目去

心意而符氣性之自得此虛以待物者也唯道集虛虛

其心則至道集于懷也未使實自同者未使心齊故有

其身也得使未始有回者既得心齊之使則無其身也  
入遊其樊而無感其名者致心自得之場當于實而止  
也譬之宮商應而無心故曰鳴也夫無心而應者任彼  
耳不强應也使物自若無門者也付天下之自安無毒  
者也毒治也不得已者理之必然者也體至一之宅而  
會乎必然之符也則幾矣理盡于斯也不行則易欲行  
而不踐地不可能也無為則易欲為而不傷性不可得  
也視聽之所得者粗故易敗也至于自然之報細故難  
偽也則失真少者不全亦少失真多者不全亦多失得  
之報未有不當其分者也而欲違天為偶不亦難乎有  
翼有知之喻言必有其具乃能其事今無至虛之宅無  
由有化物之實也夫視有若無虛室者也虛室而純白  
獨生矣吉祥之所集者至虛至靜也若夫不止于當不  
會于極此為以應坐之日而馳驚不息也故外敵未至  
而內已困矣豈能化物哉夫使耳目閉而自然得者心  
知之用外矣故將任性直通無往不冥尚無幽昧之責



而況人間之累乎物無貴賤未有不由心知耳目以自  
通者也故世之所謂知者豈欲知而知哉所謂見者豈  
為見而見哉若夫知見可以欲為而得者則欲賢可以  
得賢為聖可以得聖乎固不可矣而世不知知之自知  
因欲為知以知之不見見之自見因欲為見以見之不  
知生之自生又將為生以生之故見目而求離婁之明  
見耳而責師曠之聰故心神奔馳于內耳目竭喪于外  
身處不適則與物不冥矣不冥矣而能合乎人間之變  
應乎世世之節  
者未之有也

**詳道**

有而為者古人嘗難之有思必齋有為必戒故欲  
神明其德者必齋心焉此仲尼所以告顏子也文

子曰上學以神聽中學以心聽下學以耳聽聽止于耳  
則極于耳之所聞心止于符則極于心之所合而已聽  
之以氣則無乎不在廣大流通所以用形而非用于形  
所以待物而非待于物虛而無疑應而不藏故一志所

以全氣全氣所以致虛致虛所以集道此心齊之義也

須溪

樊者外也不必深也名者無實也雖王公之不德皆無實也無門無毒物皆有毒勿視其毒視其毒

未有一門無毒者言人間無深無淺皆可畏也一入其中如遇客寓于窮途之逆旅悶然而應無安排也

荆川

耳目內道與首楞嚴耳根圓通同意

筆乘

為天使為人使與未始得使及得使之使相應顯子開虛為心齊也而霍然有悟故曰回之不能逆

動如意者有我也能運動如意者無我也夫子嘆其盡善而又告之曰女能遊其樊而無動于名意合則言不合則止廣大而無門澹泊而無毒一處之以不得已焉則幾矣幾者幾于無我也絕迹以下重發此義不行而絕迹則易行而不踐地則難為人使則有我故易偽為天使則無我故難偽夫知不以知如人之行不以步鳥

之飛不以翼者天使之也此所謂虛也室虛則白生心  
虛則通集蓋非有吉祥也而吉祥莫大焉人之安身栖  
志擇此無歸矣而猶然不止非坐馳而何坐馳如言陸  
沈之類蓋人心自止而橫執以為不止是猶之馬伏槽  
捩而意驚千里即拱默山林絀滋其擾耳夫耳目內通  
則無聞見外于心知則無思為如此則可以言虛而鬼  
神來舍矣況于人乎此所以命萬物之化而不化于物  
古聖人所為服行終身者也

葉

涉

公子高將使于齊問仲尼曰王使諸梁也甚重齊

之待使者蓋將甚敬而不急匹夫猶未可動也而況諸  
侯乎吾甚慄之子嘗語諸梁也曰凡事若小若大寡不  
道以懽成事若不成則必有人道之患事若成則必有

陰陽之患若成若不成而後無患者唯有德者能之吾  
食也執粗而不臧饗無欲清之人今吾朝受命而夕飲  
冰我其內熱與吾未至乎事之情而既有陰陽之患矣  
事若不成必有人道之患是兩也為人臣者不足以任  
之子其有以語我來仲尼曰天下有大戒二其一命也  
其一義也子之愛親命也不可解于心臣之事君義也  
無適而非君也無所逃于天地之間是之謂大戒是以  
夫事其親者不擇地而安之孝之至也夫事其君者不

擇事而安之忠之盛也自事其心者哀樂不易施乎前  
知其不可奈何而安之若命德之至也為人臣子者固  
有所不得已行事之情而忘其身何暇至于悅生而惡  
死夫子其行可矣丘請復以所聞凡交近則必相靡以  
信遠則必忠之以言言必或傳之夫傳兩喜兩怒之言  
天下之難者也夫兩喜必多溢美之言兩怒必多溢惡  
之言凡溢之類也妄妄則其信之也莫莫則傳言者缺  
故法言曰傳其常情無傳其溢言則幾乎全



一而無休戚于其中雖事凡人猶無往而不適而况若  
親乎事有必至理固常通為人臣子者仕之則事濟事  
濟而身不存者未之有也又何用心于有身哉若乃信  
道不篤而悅惡存懷不能與至當俱往而謀生慮死未  
見能成其事者也交近則必相靡以信者近者得接故  
以其信驗親相靡服也遠則必忠之以言者遠以言傳  
意也夫喜怒之言若過其實傳之者宜使兩不失中故  
未易也凡溢之類也妄言嫌非彼言以傳者妄作也莫  
者莫然疑之也傳言者殃言就傳過言似于誕妄受者  
有疑則傳言者橫以輕重為罪也引法言以證之言雖  
闕臨時之過言而勿傳也必稱其  
常情而要其誠致則近于全也

須溪

寡不道以懽成未有不依于道而能使美滿成就  
無後悔者也食也執粗糲無欲清自謂服勞攻苦

非有求于世雖家人亦然何至內熱飯永苦  
介利驚外者與則憂思之為也說得甚苦切

筆乘

葉公之憂在利害然害之極不過死亡而已故夫子以生死決之忠孝人猶能言自事其心者哀樂

不易施乎前則未易言也蓋事心則身忘身忘而哀樂無所錯矣慈能施乎其前哉故卒之曰行事之情而忘其身何暇至于悅生而慈死悅生慈死即所謂哀樂者也知其無可奈何而安之若命須溪云只此一語慷慨明達談笑有餘夫不可奈何非哀輒之謂也其自決如此

且以巧鬪力者始乎陽常卒乎陰泰至則多奇巧以禮飲酒者始乎治常卒乎亂泰至則多奇樂凡事亦然始乎諒常卒乎鄙其作始也簡其將畢也必巨言者風波也行者實喪也夫風波易以動實喪易以危故忿設無



由巧言偏僻獸死不擇音陰氣息弗然于是並生心厲

尅核太至則必有不肖之心應之而不知其然也苟為  
不知其然也孰知其所終故法言曰無遷令無勸成過  
度益也遷令勸成殆事美成在久惡成不及改可不慎  
與且夫乘物以遊心託不得已以養中至矣何作為報  
也莫若為致命此其難者

弗李音拂  
崔音勃

郭注

以巧闢力者本共好戲欲勝情至潛興害彼則不  
復循理也以禮飲酒者尊卑有別旅酬有次湛酒

淫液則淫流縱橫無所不至也夫煩生于簡事起于微  
此必至之勢也言者風波也故行之則實喪矣遺風波

而不行則實不喪矣事得其實則危可安而蕩可定也夫忿怒之作無他由也常由巧言過實偏僻失當譬之野獸蹴之窮地意急情盡則和聲不至而氣息不理弗然暴怒但生痾疵以對之也夫寬以容物物必歸焉尅核太精則鄙吝心生而不自覺也苟不自覺安能知禍福之所齊詣邪故大人蕩然放物于自得之場不若人之能不竭人之歡故四海之交可全也無遷令者傳彼實也無勸成者任其自成也過度益也益則非任實矣美成者任其時化譬之種植不可一朝成也若彼之所惡而勸強成之則悔敗尋至故曰惡成不及改也乘物以避心託不得已以養中言寄物以為意任理之必然者中庸之符全矣斯接物之至也當任齊所報之實何為為齊作意于其間哉莫若為致命此其難者言直為致命最易而以喜怒施心故難也

新傳

無言者物不能援而有言者物所以應應則不靜矣故曰言者風波也無行則迹所以藏有行則迹

所以顯迹顯于外則真亡于內矣故曰行者實喪也夫  
不靜則至于動真亡則難以安故曰風波易以動實喪

危易以

筆乘

夫傳兩喜兩怒之言而不敢溢者凡以善終之難  
不得不謹其始耳觀闔力者始陽卒陰飲酒者始

治卒亂則知人之相與始于信卒乎鄙事之在人始于  
細卒乎大者其必至也夫一言之發激怒于人非風波  
乎人既激矣將行其怒非實喪乎故忿之設也無由由  
巧言偏詞每每過實不擇正理如獸之畏死不擇好音  
氣息弗然而出則聽者並生厲心而忿從此設矣尅者  
責人太切核者認真太甚本以望人之美也而人或以  
不肖之心應之于是而知止焉可也而不知其然則積  
忿成患將不知其所終矣終即前所謂卒乎鄙卒乎巨  
者也君命之將率意遷改事之未成勉強以勸此即溢  
美溢惡之言故曰過度益也溢則傳言者殃能無殆乎

欽定四庫全書

卷二

十三

美成在久者成人之美必優游深交久乃可入也惡成不及改者一言憤事並生心屬悔將無及也夫人喜為謚言者意必存懷而不能虛焉故耳衆物遊心則忘已託不得已則忘物斯則因其命而致之我無心也何必有所作焉以還報哉夫子告葉公或以為次于顏子而實亦不能外于虛也

顏闔將傳衛靈公太子而問于蘧伯玉曰有人于此其德天殺與之為無方則危吾國與之為有方則危吾身其知智適足以知人之過而不知其所以過若然者吾奈之何蘧伯玉曰善哉問乎戒之慎之正汝身哉形莫若就心莫若和雖然之二者有患就不欲入和不欲出

形就而入且為顛為滅為崩為蹶心和而出且為聲為  
名為妖為孽彼且為嬰兒亦與之為嬰兒彼且為無町  
畦亦與之為無町畦彼且為無崖亦與之為無崖達之  
入于無疵汝不知夫螳螂乎怒其臂以當車轍不知其  
不勝任也是其才之美者也戒之慎之積伐而美者以  
犯之幾矣汝不知夫養虎者乎不敢以生物與之為其  
殺之之怒也不敢以全物與之為其決之之怒也時其  
饑飽達其怒心虎之與人異類而媚養已者順也故其

殺者逆也夫愛馬者以筐盛成矢以蜾盛溺乃吊切適有

蚤蚤僕緣而拊之不時則缺銜毀首碎胸意有所至而

愛有所亡可不慎邪

天殺須溪云如言天生刻薄人也副墨云殺如降殺之殺言天薄之

使無德也嬰兒無知也叮哇猶疆界言無收拾也崖猶崖岸言無容止也僕僕御也舊註作蚊蚤僕僕飛着馬

謬者

郭注

夫小人之性引之軌制則憎已縱其無度則亂邦不知民過之由已故罪責于民而不自改也正女

身者反覆與會俱所以為正身也形莫若就心莫若和形不乖迕和而不同也就欲人就者形順入者還與同也和不欲出和者義濟出者自顯伐也若遂與同則是顛危而不扶持與彼俱亡矣故當模格天地但不立

小異耳自顯和之且有舍垢之聲濟彼之名彼將惡其  
勝已矣生妖孽故當悶然若晦玄同光塵然後不可得  
而親不可得而踈不可得而利不可得而害也彼且為  
嬰兒七旬言不小立圭角以逆其鱗也夫螳螂之怒臂  
非不美也以當車轍顧非敵耳今知之所無奈何而欲  
彊當其任即螳螂之怒臂也積伐汝之才美以犯人此  
危殆之道故戒之為其殺之怒者恐其因有殺心而  
遂怒也為其決之怒者方使虎自蓄分之則因用力  
而怒矣時其饑飽達其怒心知其所以怒而順之也順  
理則異類生愛逆節則至親交兵此虎之所以媚于養  
已也矢溺至賤而以寶器盛之愛馬之至也拊之不  
則缺銜毀首碎胸言雖救其患而掩馬之不意故驚而  
至此也意有所至而愛有所亡言意至除患率然拊之  
以致毀碎失其所以愛矣故當世接物逆順之際不可  
不慎也

呂注

就之失在入則與之同和之失在出出則與之異故為顛滅崩蹶為聲名妖孽者以其與之同而

不知所以扶持與之異而不知所以將順故也與之為嬰兒以至達之入于無疵則雖與之無方不至于危國雖與之有方不至于危身蓋因其性之所有而通之此因機點化之妙如宣王好勇好貨而孟子導之以王道也是也

評莊

彼且為嬰兒六句應形就而不欲入達之入于無疵應心和不欲出愛馬者數語此即吳成在久

慈成不及  
改之意

補注

彼且為嬰兒一段即法華應以比丘身得度者即現比丘身而為說法意指之不時是言愛馬之甚見有蠢蠢

人身而為說法意指之不時是言愛馬之甚見有蠢蠢卒然搏之出馬不意故致驚怒也虎至暴而順之則馴



馬易馴而驚之則暴故與惡人處不可不慎也若不審  
幾不量力徒欲以有方教其無方則螳螂之怒臂當轍  
耳

匠石之齊至乎曲轅見櫟厖社樹其大蔽牛絜之百圍  
其高臨山十仞而後有枝其可以為舟者旁十數觀者  
如市匠石不顧遂行不輟弟子厭觀之走及匠石曰自  
吾執斧斤以隨夫子未嘗見材如此其美也先生不肯  
視行不輟何邪曰已矣勿言之矣散上木也以為舟則  
沈以為棺槨則速腐以為器則速毀以為門戶則液槁

蔓以為柱則蠹是不材之木也無所可用故能若是之

壽匠石歸櫟社見夢曰汝將惡乎比予哉若將比予於

丈木邪夫祖

查梨橘柚果

力果切

之屬實熟則剝則辱

大枝折小枝泄此以其能苦其生者也故不終其天年

而中道夭自摅擊于世俗者也物莫不若是且予求無

所可用久矣幾死乃今得之為予大用使予也而有用

且得有此大也邪且也若與予也皆物也奈何哉其相

物也而幾死之散人又惡知散木匠石覺教而診其夢

弟子曰趣取無用則為社何邪曰密若無言彼亦直寄

焉以為不知已者詬厲也不為社者且幾有翦乎且也

彼其所保與眾異而以義譽余之不亦遠乎  
司馬云液津液也

謂暗出揣揣然也  
向云診占夢也

郭注

不在可用之數曰散木可用之木為文木物莫不

若是者物皆以用自傷也幾死乃今得之言數有  
睥睨已者唯今匠石明之耳為予大用言積無用乃為  
濟生之大用若有用久見伐矣幾死之散人又惡知散  
木以戲匠石也弟子猶嫌其以為社自禁不趣取于無  
用而已匠石謂社自來寄耳非此木求之為社也以為  
不知已者詬厲言此木乃以社為不知已而見辱病也  
豈榮之哉本自以無用為用雖不為社亦終不近于翦

伐之害也。所保與衆異者，彼以無保為保，而衆以有保為保也。利人長物，禁民為非，社之義也。夫無用者，泊然不為而羣才自適用者，各得其叙而不與焉。此無用之所以全也。汝以社譽之，無緣近也。

南伯子綦遊乎商之丘，見大木焉，有異結駟千乘，隱將

芘

庇

其所賴。賴子綦曰：「此何木也哉？」此必有異材。夫仰

而視其細枝，則拳曲而不可以為棟；梁俯而視其大根，

則軸解而不可以為棺槨。咥矢其葉，則口爛而為傷；嗅

之，則使人狂醒。

呈

三日而不已。子綦曰：「此果不材之木，

也。以至于此，其大也。嗟乎！神人以此不材，宋有荆氏者，

宜楸栢桑其拱把而上者求狙猴之杙弋者斬之三圍

四圍求高名之麗者斬之七圍八圍貴人富商之家求

禪善傍者斬之故未終其天年而中道夭于斧斤此材

之患也故解之以牛之白顙者與豚之亢鼻者與人有

痔病者不可以適河此皆巫祝以知之矣所以為不祥

也此乃神人之所以為大不祥也軸解謂木紋旋散也病酒曰醒杙所以栖

戲狙猴者麗屋棟梁也當作攬高名即高明大家也司馬云棺之全一邊者謂之槨傍疑獨云解祭祀解賽也

適河司馬云謂沈人于河祭也如西門豹之事羅冠道

云古者天子春有解祠見漢郊祀志言解罪求福也

郭注

隱將託其所賴者其枝所蔭可以隱託千乘也天

者為之聽知者為之謀勇者為之捍夫何為哉玄默而已而羣材不失其當則不材乃材之所至賴也故天下樂推而不厭乘萬物而無害也白頴亢鼻痔病巫祝解除棄此三者必妙選驛具然後敢用巫祝于此亦知不材者全也夫金生者天下之所謂祥也巫祝以不材為不祥而弗用也彼乃以不祥全生乃大祥也神人者無心而順物者也故天下之所謂大祥神人不逆

呂注

前論大木以不材終天年次論荆氏楸栢夭于斧斤以材為之患是以聖人神人之于用致之為尤

深藏之為尤密故無用而用以之通不材而材為之使則遊人世間而吉凶與民同患者尤不可不知此

支離疏者願隱于齊肩高于頂會噲撮

予括

指天五管

在上兩髀

陞

為脇挫鉞治解

戒

足以餬口鼓筴播精足

以食

嗣

十人上徵武士則支離攘臂于其間上有大役

則支離以有常疾不受功上與病者粟則受三鍾與十束薪夫支離其形者猶足以養其身終其天年又況支離其德者乎

郭注

徵武士則攘臂于其間者恃其無用故不自竄匿也

也有大役則不受功者不任作役故也役則不與賜則受之支離其形者猶能自全如此神人無用于物而物各得自用歸功名于羣材與物冥而無迹故免人間之害處常吳之實此支離其德也

循本

齊與臍同。低者不見其順，隱于臍間也。肩高于頂，頭低而肩高于頂也。會撮指天，撮徐括切。奎竺緇

撮之撮，會合其髮而撮為髻。古者髻近項脊曲而頭低，政髻指天也。管脰也，言五藏之脰皆在上也。兩髀為脇，脊在髀裏，故以兩髀為脇也。挫鍼縫衣也。治解浣衣也。鼓笑播精以策箴米也。

孔子適楚楚狂接輿遊其門曰鳳兮鳳兮何如德之衰也來世不可待往世不可追也天下有道聖人成焉天下無道聖人生焉方今之時僅免刑焉福輕乎羽莫之知載禍重乎地莫之知避已乎已乎臨人以德殆乎殆乎盡地而趨迷陽迷陽無傷吾行吾行卻曲無傷吾足



山木自寇也膏火自煎也桂可食故伐之漆可用故割

之人皆知有用之用而莫知無用之用也

邵諸本多音陳碧虛作如

字引退也

郭注

鳳兮鳳兮何如德之衰也言當順時直前盡乎會通之宜世之衰盛蔑然不足覺故曰何如來不可

待往不可追趣當盡臨時之宜耳有道成焉無道生焉言付之自爾而理自生成生非我也豈為治亂易節哉治自求成故遺成而不敗亂自求生故忘生而不死也方今之時僅免刑焉言不瞻前顧後而盡當今之會冥然與時世為一而後妙當可全刑名可免也福輕乎羽莫之知載者足能行而致之手能執而任之聽耳之所聞視目之所見知止其所不知能止其所不能用其自用為其自為恣其性內而無纖芥于分外此無為之

至易也無為而性命不全者未之有也性命全而非福者理未聞也故夫福者即向之所謂全耳非假物也豈有寄鴻毛之重哉率性而動動不過分天下之至易也舉其自舉載其自載天下之至輕也然知以無涯陽性心以欲惡蕩真故乃釋此無為之至易而知彼有為之至難棄夫自舉之至輕而取夫載彼之至重此世之常患也禍重乎地莫之知避者舉其性內則雖負萬鈞而不覺其重也外物寄之雖重不盈鎰銖有不勝任者矣為內福也故福至輕為外禍也故禍至重禍重而莫之知避此世之大迷也夫畫地而使人循之其卒不可掩矣有其已而臨物與物不冥矣故大人不明我以耀彼而任彼之自明不德我以臨人而付人之自得故能彌貫萬物而玄同彼我泯然與天下為一而內外同福也迷陽猶亡陽也亡陽任獨不蕩于外則吾行全矣天下皆全其吾則凡稱吾者莫不皆全也吾行卻曲無傷吾足者曲成其行各自足矣有用則與彼為功無用則自

全其生夫割肌膚以爲天下者天下之所知也使百姓不失其自全而彼我俱適者儼然不覺妙之在身也

口義

生天下有道則聖人可以成功天下無道則聖人全

何敢他求乎處亂而僅免刑以全生特一羽之福而不  
知載而有之亂世之禍常至殺身是重于地也而亦不  
知避之臨人以德取禍之道不若已之盡地而趨言其  
拘束自苦誠危殆也木火桂漆之見伐皆不能自隱求  
名于世以招禍患者之譬

疑獨

跡臨人以德則未能冥乎道盡地而趨則未能滅其  
跡迷陽言自晦其明無傷吾生全之行郤曲言退

身曲全無傷  
吾可行之足

筆乘

吾行郤曲當從碧虛作郤曲郤曲無傷吾足廡與  
上文相協蓋由傳寫者誤疊吾行二字耳迷陽勉

道曰藏也藏生蒙密能達陽明之路故曰達陽託興言之也其說甚異存之以廣異聞

管見總論

夫處人間世者君臣之分為大不可不盡然當度可否之宜謹出處之節視古今而無愧

超悔吝而獨全斯為善矣是以顏子將之衛而夫子蒞言事君之多患名知之相軋心氣未達譽終毀至弓旌在前刀鋸在後者有之况懷意必之心欲化牟莊行獨之君焉保其無悔所以刀教止之使衛君知賢者不苟進益堅尊道之心固將自化矣必輕性以資驕志櫻暴行邪顏子又陳端虛勉一內直外曲或可自全夫子謂僅免患耳胡可及化化者不言而信使人意消豈在政法繁多以啓物歎乎顏子至此無以進請問其方則是所念既空而天真虛受之時也夫子乘其開悟之機告之以齊使虛心受教無聽以耳而以心無聽以心而以氣遜于言下悟其未始有回心虛而形亦忘則化物也無難矣子高將使齊誨以行事情而忘其身察風波而

成實喪顏闔將傳衛誨以就不入而和不出達虎怒而  
適馬情昏所以明世患之多端物外之難必在高識之  
士洞燭幾微進退以義可也至于曲轅櫟社以無保為  
保商丘異材見不神而神又申言材之為累而世人弗  
悟往往恃材求用而不揆分度宜名顯而妬害生利鍾  
而禍患至雖欲臃腫自全不可得矣故是篇大意在乎  
外應世而內全真道不離而物自化古之聖賢不得已  
而有世俗之償罔不密由斯道遂寓孔顏問答以發明  
之篇末又引接與之歌以祛聖賢經世有為之迹以杜  
東人逐物無厭之心結以山木膏火桂漆之患警世尤  
切唯其知涉世之難可以處世而無  
難矣太上云聖人猶難之故終無難

補注

此篇首以孔顏問答繼以子高顏闔之喻其論守  
身行義應物審幾以處人間世之道備矣而復繼

以樂社商丘支離之說者見當世禍亂畢竟不可措手  
縱使做得好不如不做為高耳故末又以接與之歌結

之

筆乘

士彰云養生主是出世法人間世是佳世法余謂出世而後能住世老子所謂執古之道以御今之

也有也

德充符第五

郭注德充于內應物于外外內玄合信若符命而遺其形骸也補注符者

言德充于內自微于外非形所能為損益非知所能為隱顯觀篇中所述足可知矣

魯有兀者王骀從之遊者與仲尼相若常季問于仲尼曰王骀兀者也從之遊者與夫子中分魯立不教坐不議虛而往實而歸固有不言之教無形而心成者邪是

何人也仲尼曰夫子聖人也丘也直後而未往耳丘將  
以爲師而況不若丘者乎奚假魯國丘將引天下而與  
從之常季曰彼兀者也而王旺先生其與庸亦遠矣若  
然者其用心也獨若之何仲尼曰死生亦大矣而不得  
與之變雖天地覆墜亦將不與之遺審乎無假而不與  
物遷命物之化而守其宗也常季曰何謂也仲尼曰自  
其異者視之肝膽楚越也自其同者視之萬物皆一也  
夫若然者且不知耳目之所宜而遊心乎德之和物視

其所一而不見其所喪視喪其足猶遺土也常季曰彼  
爲已以其知得其心以其心得其常心物何爲最之哉  
仲尼曰人莫鑑于流水而鑑于止水唯止能止衆止受  
命于地唯松栢獨也在冬夏青青受命于天唯舜獨也  
正幸能正生以正衆生夫保始之微不懼之實勇士一  
人雄入于九軍將求名而能自要者而猶若是而況官  
天地府萬物直寓六骸象耳目一知之所知而心未嘗  
死者乎彼且擇日而登假人則從是也彼且何肯以物



為事乎

九軍崔李云天子六軍諸侯三軍通為九軍也  
登假呂氏音遐言得此道者去留無礙而升于

玄達之域也列于穆王  
篇登假字讀同遐可證

郭注

虛往實歸各自得而足也無形而心成者怪其形  
殘而心乃充足也夫心之全也道身形忘五藏忽

然獨往而天下莫能離也矣假魯國將引天下與從之  
言神全心具則體與物冥與物冥者天下之所不能達  
真但一國而已哉死生之變變之大也彼與變俱故生  
死不變于彼雖天地覆隤斯順之也審乎無假者明性  
命之固當也不與物違者任物之自達也命物之化者  
以化為命而無乖迤也守其宗者不離至當之極也異  
而肝膽楚越者怡苦之性殊則美惡之情背也同而萬  
物皆一者雖所美不同而同有所美各美其所美則萬  
物一美也各是其所是則天下一是也夫因其所異而  
異之則天下莫不異而浩然大觀者官天地府萬物知

異之不足異故因其所同而同之則天下莫不皆同又  
知同之不足有故因其所無而無之則是非美惡莫不  
皆無矣夫是我而非彼美已而惡人自中知以下至于  
昆蟲莫不皆然然此明乎我而不明乎彼者爾若夫玄  
通混合之士因天下以明天下天下無曰我非也即明  
天下之無非無曰彼是也即明天下之無是無是非  
混而為一故能來變任化造物而不惜也不知耳目之  
所宜而游心乎德之和者宜生于不宜者也無美無惡  
則無不宜故忘其宜也都忘宜故無不任都任之而不  
得者未之有也無不得而和者亦未聞也故放心于  
天地之間蕩然無不當而擴然無不適也物視其所一  
而不見其所喪言體夫恆數之妙心故能無物而不同  
無物而不同則死生變化無往而非我矣故生為我時  
死為我順時為我聚順為我散聚散雖異而我皆我之  
則生故我耳未始有得死亦我也未始有喪夫死生之  
變猶以為一既觀其一則說然無係玄同彼我以死生

為寤寐以形骸為逆旅去生如脫屣斷足如遺土吾未  
見足以纓第其心也彼為己以其知者嫌王駘未能忘  
知而自存也得其心以其心者嫌未能遺心而自得也  
得其常心物何為最之者夫得其常心平往者也嫌其  
不能平往而與物過常故使物就之也夫止水之致鑑  
者非為止以求鑑也故王駘之聚眾眾自歸之豈引物  
使從已哉唯止能止眾止者動而為之則不能居眾物  
之止也唯舜獨也正言特受自然之正氣者至希也下  
首則唯為松柏上首則唯有聖人故凡不正者皆來求  
正耳若物皆有青金則無貴于松柏人各自正則無美  
于大聖而趣之也幸能正生以正眾生者幸自能正耳  
非為正以正之也將求名而能自要者非能遺名而無  
不任也官天地府萬物者冥然無不體也直寓六骸者  
所謂逆旅也象耳目者人用耳目亦用耳目非須耳目  
也知與變化俱則無往而不冥此知之一者也心與死  
生順則無時而非生此心之未嘗死也擇日而登假者

以不失會為擇耳斯人無擇也任其天行而時動者也故假借之人由此而最之耳其恬漠故全也故曰彼且何肯以物為事

呂注

學道者學其所不能學行其所不能行故寓言于王貽也從仲尼遊者知從其所能行而不知從其所不能行則雖全魯歸之與王貽猶中分也從其能行者則立有教坐有議其教不得無言其成不得無形也從其不能行者則立不教坐不議虛而往實而歸仲尼王貽相為表裏而已不以其所能而當若師之任則無用之用與庸亦遠矣孰為死生而與之變孰為慶墜而與之遺乎審乎無假知其所得者真不與物遷則死生不能自其同者視之則耳目不化守其宗本不離也人唯則耳目不知其所宜故物視其所同不見其所喪也常李謂貽懷內聖之道則為已而已以其知得其心以其

心得其常心物何為最之而推為君師邪唯止能止衆止此入所以從之求鑑也夫未莫不受命于地唯松栢獨全人莫不受命于天唯舜也獨正則舜豈不以正生為幸而正衆生哉今夫士之以勇自名者猶能雄八九軍而況官天地府萬物死生不得與之變者非求名自要之比也彼且擇日而登假其去來容與如此人安得不從而最之

須溪

遺外也雖天地覆墜亦且與之相為才立無假無所待也坐視萬物之變獨與先天地者俱所謂宗

也生天地者也

疑獨

以無形司有形曰官天地以無物藏萬物曰府萬物寓六骸者寄而無畜象耳目者存而不用一知

而不為物貳心存而不與形偕制命在內而不在外所以能擇日而登假也

通義

得其心言其反觀而得見其天君也以其心知其

常心者言其初以天德良知得見此心時如游子歸家既到家乃知是固有之業也此只言其爲已何與于人而人乃尊之如此于此亦見常季之所造矣

副墨

正如各正性命之正正生即正性也正性即守宗也守宗即保始也夫保始之徵如人養勇一以無

懼爲主而不動心故以一士而雄入于九軍況守宗正性之人能保其未始有始之始者其微也將不能一生死而命物化乎哉官天地府萬物寓六骸象耳目言我與天地萬物同一根宗散則爲萬聚則爲一直寄寓此于六骸之中而以耳目爲象耳人唯執象失心妄起知識故心生于物而死于物今一其知之所知則心固未嘗死也而死生何足以懼之昔劉歆學道有神人謂之曰君心力精猛必破死生學者知死生事大猛着精采

奮然勦破如勇夫有不懼之實便可雄人死生縱橫無  
礙此出離生死學問莊生等閑于此發出當時西竺之  
經未至而佛法已在中國  
孰謂佛者夷狄之一法哉

筆乘

受命于地至唯舜獨也正文句不齊似有脫略張  
君房校本作受命于地唯松栢獨也正在冬夏青

青受命于天唯堯舜獨也正在萬物之青補亡七字因  
郭注有下首唯松栢上首唯聖人故也今以松栢獨也  
在舜獨也正為句亦  
自文順而義全矣

申徒嘉兀者也而與鄭子產同師于伯昏無人子產謂  
申徒嘉曰我先出則子止子先出則我止其明日又與  
合堂同席而坐子產謂申徒嘉曰我先出則子止子先

出則我止今我將出子可以止乎其未邪且子見執政而不違子齊執政乎申屠嘉曰先生之門固有執政焉如此哉子而說悅子之執政而後人見者也聞之曰鑑明則塵垢不止止則不明也久與賢人處則無過今子之所取大者先生也而猶出言若是不亦過乎子產曰子既若是矣猶與堯爭善計子之德不足以自反邪申徒嘉曰自狀其過以不當亡者衆不狀其過以不當存者寡知不可奈何而安之若命唯有德者能之遊于羿



之穀中中央者中

去聲

地也然而不中者命也人以其全

足笑吾不全足者衆矣我怫然而怒而適先生之所則

廢然而反不知先生之洗我以善邪吾與夫子遊十九

年矣而未嘗知吾兀者也今子與我遊于形骸之內而

子索我于形骸之外不亦過乎子產薨

子六切

然改容更

貌曰子無乃稱

穀中言羿箭端之所直乃必中之地也故曰中地子無乃稱言我已知子不必

更言也

郭注

我出子止羞與則者並行也其明日又質而問之欲使必不並已也子齊執政者常以執政自多故

欽定四庫全書

卷二

直云子齊執政便謂足以明其不遜也先生之門固有執政焉如此哉言此論德之處非計位也而說子之執政而後人者笑其矜說在位欲處物先也久與賢人處則無過言其事明師而鄙吝之心猶未去乃真過也若是形殘也言不自顧省而欲輕蔑在位與有德者並計子之德政不足以補形殘之過多自陳其過狀以已為不當亡者衆也然熊知過自以為應死者少也羿古之善射者弓矢所及為毅中夫利害相攻則天下皆羿也自不遺身忘知與物同波者皆游于羿之毅中耳雖張毅之由單豹之處猶未免于中地則中與不中唯在命耳而區區者各有其所過而不知命之自爾故免乎弓矢之害者自以為巧欣然多已及至不免則自恨其謬而志傷神辱斯未能達命之情者也夫我之生也非我之所生也則一生之內百年之中其坐起行止動靜趣舍性情知能與凡所有者凡所無者凡所為者凡所遇者皆非我也理自爾耳而橫生休戚乎其中斯又逆自

然而失者也人以其全足笑吾不全足者皆不知命而  
有斯笑也佛然而怒者見其不知命而怒斯又未知命  
也廢然而反者見至人之知命遺形故廢向者之怒而  
復常也不知先生之洗我以善者言不知先生洗我以  
善道故耶我為能自反耶斯自忘形而遺累也十九年  
而未嘗知吾兀者忘形故也形骸外矣其德內也今子  
與我德游耳非與我形交而索我外好豈  
不過哉子無乃稱者已悟則厭其多言也

### 管見

申徒安命而忘兀德充于內者無戚于外也子產  
矜位而鄙兀心拘乎外者不明乎內也不當亡者  
衆不當存者寡此蓋申徒論足之存亡言人之處兀知  
已過而安之者少然有幸不幸一歸之于命耳則知申  
徒之兀出于非罪者也遊羿彀中莫非中地設有不中  
幸免耳人處世間莫非憂患苟得免患亦幸耳而人因  
以其幸笑吾之不幸我猶有怒未忘已也廢然而反已  
亦忘矣不知先生洗我以善邪吾之自悟邪則彼已俱

欽定四庫全書

卷二

忘物我俱化何喜怒之  
可動形骸之可索哉

魯有兀者叔山無趾踵見仲尼仲尼曰子不謹前既犯  
患若是矣雖今來何及矣無趾曰吾唯不知務而輕用  
吾身吾是以亡足今吾來也猶有尊足者存吾是以務  
全之也夫天無不覆地無不載吾以夫子為天地安知  
夫子之猶若是也孔子曰丘則陋矣夫子胡不入乎請  
講以所聞無趾出孔子曰弟子勉之夫無趾兀者也猶  
務學以復補前行之惡而況全德之人乎無趾語老聃

曰孔丘之于至人其未邪彼何實實以學子為彼且斲

以詘

尺叔切

詭幻怪之名聞不知至人之以是為己桎梏

邪老聃曰胡不直使彼以死生為一條以可不可為一

貫者解其桎梏其可乎無趾曰天刑之安可解

郭注

踵頻也人之生也理自生矣直莫之為而任其自生斯重其身而知務者也若乃忘其自生謹而矜

之斯輕用其身而不知務也故五藏相攻于內而手足殘傷于外也猶有尊足者存言刑一足未足以虧其德明夫形骸者逆旅也去其矜謹任其自生斯務全也夫天不為喪故能常處地不為載故能常載使天地而為覆載則有時而息矣使舟能沉而為人浮則有時而沒矣故物為焉則未足以終其生也安知夫子之猶若是

者責其不證不及天地也無跡出聞所聞而出全其無  
為也彼何實實以學于為者怪其方復學于老聃也夫  
無心者人學亦學然古之學者為已今之學者為人其  
獎也遂至乎為人之所為矣夫師人以自得者率其常  
然者也舍已效人而遂物于外者求乎非常之名者也  
夫非常之名乃常之所生也故學者非為幻怪也幻怪  
之生必由于學禮者非為華薄也而華薄之興必由于  
禮斯必然之理至人之所無奈何故以為已之桎梏也  
胡不直使彼以死生為一條以不可為一貫者解其  
桎梏欲以直理冥之冀其無迹也天刑之安可解者仲  
尼非不冥也顧自然之理行則影從言則顰隨夫順物  
則名迹斯立而順物者非為名也非為名則至矣而終  
不免乎名則孰能解之哉故名者影顰也影顰者形  
聲之桎梏也明斯理也則名迹可遺而性命可全矣

副墨

叔山無趾知有尊足者存故求以全之尊足者全  
則視橐其足猶余土耳夫子却說他務學以補前

行之惡不知此等人全不在善惡上起念頭非束于  
殺者所易知也故無趾與老聃私議之曰夫子于至人  
其未耶何賓賓恭敬以學于子為也彼且汲汲焉求以  
善名聞于世而不知至人方以是為己之桎梏蓋至人  
無已聖人無名如手足本無桎梏其有桎梏者自為異  
見以縛之耳欲解其桎梏必反其異見而還之于一以  
死生為一條以不可為一貫然後可耳以死生為一  
條者未始有生孰名為死以不可為一貫者本來無  
是何者為非如是則善惡皆為幻法分別悉是詭名為  
人解粘去縛莫要于此但天刑之人懸而不解耳天刑  
如言天罰之使然  
甚絕之之詞也

魯哀公問于仲尼曰衛有惡人焉曰哀駘它沈丈夫與  
之處者思而不能去也婦人見之請于父母曰與人為

妻寧為夫子妾者十數而未止也未嘗有聞其唱者也  
常和而已矣無君人之位以濟乎人之死無聚祿以望  
人之腹又以惡駭天下和而不唱知不出乎四域且而  
雌雄合乎前是必有異乎人者也寡人名而觀之果以  
惡駭天下與寡人處不至以月數而寡人有意乎其為  
人也不至乎期年而寡人信之國無宰而寡人傳國焉  
悶門然而後應汜泛而若辭寡人醜乎卒授之國無幾  
何也去寡人而行寡人恤焉若有亡也若無與樂是國



也是何人者也仲尼曰丘也嘗使于楚矣適見狔子食

嗣

於其死母者少焉

舜

若皆棄之而走不見已焉爾

不得類焉爾所愛其母者非愛其形也愛使其形者也  
戰而死者其人之葬也不以翣

色浴切

資則者之屨無為

愛之皆無其本矣為天子之諸御不爪翦不穿耳取妻  
者止于外不得復使形全猶足以為爾而况全德之人  
乎今哀駘它未言而信無功而親使人授已國唯恐其  
不受也是必才全而德不形者也哀公曰何謂才全仲

尼曰死生存亡窮達貧富賢與不肖毀譽

余

饑渴寒暑

是事之變命之行也日夜相代乎前而知不能規乎其

始者也故不足以滑骨和不可入于靈府使之和豫通

而不失于兌使日夜無卻

隙

而與物為春是接而生時

于心者也是之謂才全何謂德不形曰平者水停之盛

也其可以為法也內保之而外不蕩也德者成和之修

也德不形者物不能離也哀公異日以告閔子曰始也

吾以南面而君天下執民之紀而憂其死吾自以為至

通矣今吾聞至人之言恐吾無其實輕用吾身而忘吾

國吾與孔丘非君臣也德友而已矣

李云哀貽醜貌宅其名

郭注

惡醜也無君人之位以濟乎人之死者明物不由權勢而往也無聚祿望人之腹者明非求食而往

也又以惡駭天下者明不以形美故往也和而不唱者非招而致之也知不出乎四域者不役思于分外地雖雄合乎前者才全者與物無害故人獸不亂羣入鳥不亂行而為萬物之靈也悶然而後應者寵辱不足以驚其神也汜而若辭者人辭亦辭也狔子食于其死毋者食乳也夫生者以才德為類死而才德去矣故生者以失類而走也故含德之厚比于赤子無往而不為之赤子也則天下莫之害斯得類而明已故也情苟類焉則雖形不與同而物無害心情類苟亡則雖形同母子而不足以固其志矣使其形者才德是也翼者武所資也

戰死則無武翼將安施所愛屨者為足故耳則者之屨  
何為愛之無其本者屨以足武為本也不窮不窮全  
其形也不得復使恐傷其形也採擇嬪御及燕爾新婚  
本以形好為意者也故形之全也無以降至尊之情同  
貞女之操也德全而物愛之宜矣死生存亡以至饑渴  
寒暑其理故當不可逃也故人之生也非誤生也生之  
所有非妄有也天地雖大萬物雖多然吾之所遇適在  
于是則雖天地神明國家聖賢絕力至知而弗能違也  
故凡所不遇弗能遇也其所遇弗能不遇也其所弗為  
弗能為也其所為弗能不為也付之而自當矣命行事  
變不舍晝夜推之不去留之不停故才全者隨所遇而  
任之也夫始非知之所規而故非情之所留是以知命  
之必行事之必變者豈于終規始在新戀故哉雖有至  
知而弗能規也逝者之往吾奈之何哉苟知性命之固  
當則雖死生窮達千變萬化淡然自若而和理在身矣  
故曰不足滑和靈府者精神之宅也至足者不以憂患

驚神故曰不可入于靈府和性不滑靈府間豫則雖涉  
乎至變不失其兌然也故曰和豫通而不失于兌日夜  
無卻者泯然常任之也與物為春者羣生之所賴也接  
而生時于心者順四時而俱化也天下之平莫盛于停  
水無情至平故天下取正焉故曰平者水停之盛也其  
可以為法也內保之而外不蕩者內保其明外無情為  
玄鑑洞照與物無私故能全其平而行其法也事得以  
成物得以和謂之德也無事不成無物不和此德之不  
形也是以天下  
樂推而不厭

循本

禮記三年之喪與新有昏者期不使故曰娶妻者  
止于外不得復使日夜無卻言死生貧富雖日夜

相代乎前吾使之無罅隙可入視之如一而混然與物  
為春如年有四時不見其夏秋冬但見其為春耳此見  
日與物接而生時于吾心者也因春字故下生  
時字言時不生于陰陽之氣而生于吾心也

管見

雌雄之義或以為禽獸者本于列子雌雄在前

尾成掌之說竊考經意大夫與之處思而不能去  
與婦人願為妾之語則雌雄合乎前言丈夫婦人歸之  
者衆也戰而死者不以髮范無隱從髮絕句髮者飾武  
之具形似方扇以木為之衣以白布畫以雲氣夾車兩  
邊所以自衛也考禮記檀弓篇周人置髮明堂位云周  
之壁髮鄭氏注天子八髮皆戴髮垂羽諸侯六髮皆戴  
圭大夫四髮士二髮皆戴髮據此則古者喪禮通用髮  
非特為飾武設竊原南華本意謂先聖制禮使人養生  
送死而無憾周以棺衾飾以柳髮貴賤隆殺各當其宜  
所以慎終也若戰而死則非正命故其葬也不以髮形  
且不得全歸何望儀物之備哉亦猶則者之不愛其履  
也此章從上文純于食于死毋起喻至此又疊喻以結  
之不過形容德充于內者無假于外德餒于中者外飾  
也無益也

筆乘

望如月望之望圓足飽滿之義和而不倡不見其能首事也知不出乎四域不見其有遠略也祿位

才貌舉皆無之而致雖雄交歸焉非使物保而物自保之也是何人也疑其所以動人者何在狔子之喻言形不足愛而使其形者可愛也母愛以使其形者為本戰以武為本行以足為本哀貽它所以存而見任去而見思者有本故耳才即孟子降才之才才未全者率喜于自衛才全則德內足矣奚形之有死生存亡窮達貧富賢與不自毀譽饑渴寒暑雖其變若彼然求其所以為之者而不得故謂之命也苟知其始所以為之者則獨何能無慨然今其變雖日夜遞遷了無停息而其所始即智者莫能求之所謂未始有始者也知其未始有始而又何至滑吾之太和于吾之靈府也耶死如老子塞其兌之兌和豫通而不失于兌與物為春而日夜無隙即所謂不形者也如此雖日接萬變皆動而不失其時矣水停而平則萬物準之平則內能自保停則外不搖

湯水之平猶德之和也是和也修之已而成故曰成和之修物不能離又解不形之意即一而不分死生無變之謂也

閭跂支離無脰說我衛靈公靈公悅之而視全人其脰

豆肩肩甕甕盜大癭說齊桓公桓公說之而視全人其

脰肩肩故德有所長而形有所忘人不忘其所忘而忘

其所不忘此謂誠忘故聖人有所遊而知智為華約為

膠德為接工為商聖人不謀惡用知不斷惡用膠無喪

惡用德不貨惡用商四者天鬻也天鬻也者天食嗣也



既受食于天又惡用人有人之形無人之情有人之形故羣于人無人之情故是非不得於身眇乎小哉所以屬于人也誓哉乎大哉獨成其天惠子謂莊子曰人故無情乎莊子曰然惠子曰人而無情何以謂之人莊子曰道與之貌天與之形惡得不謂之人惠子曰既謂之人惡得無情莊子曰是非吾所謂情也吾所謂無情者言人之不以好惡內傷其身常因自然而不益生也惠子曰不益生何以有其身莊子曰道與之貌天與之形

無以好惡內傷其身今子外乎子之神勞乎子之精倚

樹而吟據槁梧而瞑眠天選子之形子以堅白鳴

者 闕 跛

而守城門也支離形不全之貌無服無脚根故但跛而行也一云無服無骨也寬寬大癭項瘤者也

郭注

闕跛支離無服兩段言偏情一往則醜者更好而好者更醜也德有所長而形有所忘者其德長于

順物忘其醜長于逆物忘其好也生則愛之死則棄之故德者世之所不忘也形者理之所不存也故夫忘形者非忘也不忘形而忘德者乃誠忘也聖人遊于自得之場放之而無不至者才德全也知為華約為膠德為接工為商此四者自然相生其理已具故聖人無所用其已也天鬻也者天食也言自然而稟之也既稟之自然其理已足則雖沉思以允難或明戒以避禍物無妄然皆天地之會至理之趣必自思之非我思也必自不

思非我不思也或思而免之或思而不免或不思而免之或不思而不免凡此皆非我也又奚為哉任之而自至也有人之形者視其形貌若人也無人之情者掘若槁木之枝也牽于人者類聚羣分自然之道也是非不得于身者無情故浩然無不任無不任者有情之所未能也故形貌若人而獨成其天也道與之貌天與之形者言人之生也非情之所生也生之所知豈情之所知哉故有情于為離曠而弗能也然離曠以無情而聰明矣有情于為賢聖而弗能也然賢聖以無情而賢聖矣豈直賢聖絕遠而離曠難慕哉雖下愚聾瞽及鷄鳴犬吠苟有情于為之亦終不能也不問遠之與近雖去已一分孔顏之際終莫之得也是以觀之萬物反取諸身耳目不能以易任成功手足不能以代司致業故嬰兒之始生也不以目求乳不以耳向明不以足操物不以手求行豈百骸無定司形貌無素主而專由情以制之哉既謂之人惡得無情者未解形貌之非情也是非吾

所謂情者以是非為情則無是非無好惡者雖有  
形貌直是人耳情將安寄無情者之人不以好惡傷其  
身言任當而直前者非情也常因自然而不益生者止  
于當也不益生何以有其身者未明生之自生理之自  
足也莊子又謂生理已自足于形貌之中但任之則身  
存好惡之情非所以益生祇足以傷身以其生之有分  
也夫神不休于性分之內則外矣精不止于自生之極  
則勞矣故行則倚樹而吟坐則據梧而睡言有情者之  
自困也天選子形以堅白鳴言凡子所為外神勞精倚  
樹據梧且吟且睡此世之所謂情也而云天選明夫情  
者非情之所生而況他哉故雖萬物萬形云  
為趣舍皆在無情中來又何用情于其間哉

呂注

無服大癩以德長而見笑于二君形有所忘也人  
不知存其神是所忘役于視聽思慮是所不忘不

忘其所忘而忘其所不忘此謂識忘非特形有所忘而  
已誠忘則聖人之所遊物不得遯而皆存者也若然者

以知為孽孽非本歟也以約為膠所以約散也以德為  
接所以續異體以工為商非所以為器也聖人不謀惡  
用知不斷惡用膠無喪惡用得不得惡用商四者天  
也故無待于外有人之形無人之情以其所遊在誠忘  
故也羣于人則遊乎世俗是非不得于身則體乎天均  
得其小者屬于人大者屬于天也貌則動作威儀無非  
道形剛六骸九竅天而生所以為人者足矣奚為疑其  
不可以無情乎惠子直謂無情若木石不可以為人莊  
子謂吾所謂情是非不得于身也吾所謂無情不以好  
惡內傷其身也若是則足以有其身何必益生哉惠子  
不知即動而靜乃據梧以求靜唯不知此即是  
不得其所為使形為天之所選而以堅白鳴也

**碧虛**

聖人遊于忘形忘德之外雖日用德而不自矜故  
膠華等事無由萌兆不謀利害何用知不斷情性

何用膠無喪于物何用德不殖貨財何用商已上四事  
皆天然而養者也結蛇轉凡蜘蛛結網不謀之知也雲

龍風虎松栢女蘿不斷之膠也禽獸林藪魚鼈江湖無喪之德也物物自利各營生不貨之商也此乃天之所養故曰天食有形無情望之似木鷄矢一尺之面容貌不同者道與之也六尺之體空竅無殊者天與之也皆非情之所有天任子之形者豈有情哉暗醺而自生耳今子有人之形與衆無別而強以堅白同異之辨鳴噪于衆人之前而自謂賢者猶羅治之金何得不怪哉

循本

其脰肩肩脰項也肩肩細長之貌言悅無脰而視全人反覺其項細長醜不足觀也周禮梓人云數

目頤脰注長脰貌蓋肩與頤同槁梧即今所謂枯桐也桐類不一惟枯桐中琴瑟故名琴瑟為槁梧

副墨

三子醜惡能使齊衛之君悅之而視全人之不如蓋愛其德自忘其形也用是知形有所短德有所

長所短者能使人忘之而在己若忘則必有惡駭之嫌所長者能使人不忘而在己若不忘則必有矜伐之病

能不忘其所忘而忘其所不忘是誠忘也因就忘之一  
字翻出自已學問而以聖人證之聖人者誠忘其所不  
忘者也其心有所遊也以知識為孽子而不親以誓約  
為膠固而不用以德惠為應接而不貴以技能為行貨  
而不居何也聖人何思何慮惡用知未雕未斷惡用膠  
本無所失也惡有于德深藏不售也惡用大商蓋有用  
人也無所用則游以天矣故謂之天鶻天鶻則聖人食  
于天矣而惡用人焉故具人之形其形雖小而無是非  
之情其天則大也道與之貌天與之形者形色象貌自  
未始有始中來皆道與之道與之即天與之也惠子曰  
既謂之人惡得無情是欲其如槁木死灰而後為無情  
也故莊子曰非吾所謂無情也謂不以好惡內傷其身  
常因其生之自然而不益之之謂也老子曰益生曰祥  
莊文本此惠子猶不寤而曰不益生何以有身不知生  
不必益也道與之貌天與之形生理本足于本足中不  
能因其自然橫起好惡逐妄迷真非徒無益而又害之

今子之精神非通與之天與之乎乃外其精勞其神倚  
樹據梧而吟而暇是天選子形本無不足却乃不能因  
之徒以堅白之說曉曉然立是非同異于天下祇為情  
之所累而已觀惠子與莊子所論于箇事全未分曉不  
知莊子何以與之為友

管見總論

物得以生之謂德乃天賦粹矣所以成形成尊  
生由是而充之性與天道可得而聞也夫德  
本乎天而充之在人可不自愛重乎物之符契特應感  
小節以印德充之驗其成功大業則有相天地贊化育  
者焉故王貽足以起敬于夫子將欲引天下而從之則  
其修為必有大過人者且不教不議而學者虛往實歸  
自非以心契心而死生無變命物守宗而化由已出其  
能至是乎視所一遺所喪以見得道者忘形唯止能止  
而為物所歸猶松栢之于衆木堯舜之于百姓豈特以



正生為幸幸在能正衆生而一已之死生禍福非所芥  
蒂故擇日登假去留在我何肯以物為事哉申徒無取  
兀之過而招兀視兀猶全也子產以執政之貴而傲兀  
雖貴猶賤也無趾而尊足所存重于足者天刑之不  
可解則一妾之命而與全人無異矣哀貽它之雖雄合  
乎前使哀公忘其惡而願授國此非愛其形愛使其形  
者也故泰和內運疵癘外消德與日新道通神化事成  
而不以功自處無往而不為物所歸矣哀公以仲尼為  
德友德尊而位可忘也靈公視無服為全人德尊而形  
可忘也聖人所游與物無際誓乎大哉獨成其天是能  
忘人之所不忘而粹美所歸有不得而辭者惠子厚于  
才而薄于德遂問好惡之情荅以性命之情所以深收  
其失使道貌天形不傷于好惡有形無情常因乎自然  
至是則德充物符彼已兩盡是非好惡化于忘言何在  
乎外神勞精而以堅白鳴哉取殘兀厲惡之人  
以標論本蓋所以為尚形骸外德性者之戒云

大宗師第六

郭注雖天地之大萬物之富其所宗而師者無心也

知天之所為知人之所為者至矣知天之所為者天而生也知人之所為者以其知之所知以養其知之所不知終其天年而不中道夭者是知之盛也雖然有患夫知有所待而後當其所待者特未定也庸詎知吾所謂天之非人乎所謂人之非天乎且有真人而後有真知何謂真人古之真人不逆寡不雄成不慕士若然者過而弗悔當而不自得也若然者登高不慄入水不濡入

格于道也若此

于物與衆並同任之而無不至也天者自然之謂

焉人之所知不必同而所為不敢異異則偽成而真喪

矣或好知不倦以困其百體所好不過一枝而舉根俱  
弊斯以其所知而害其所不知也若夫知之盛者知人  
之所為有分故任而不強也知人之所知有極故用而  
不蕩也故所知不以無涯自困則一體之中知與不知  
開相與會而俱全矣斯以其所知養其所不知也有患  
者言知雖盛未若遺知任天之無患也夫知者未能無  
可無不可故必有待也若乃任天而生則遇物而當矣  
所待未定言有待則無定也吾生有涯天也必欲益之  
人也然此人之所謂耳物無非天也天也者自然也人  
皆自然則治亂成敗遇與不遇非人為也皆自然耳有  
真人而後天下之知皆得其真而不可亂也不逆寡則  
所順者衆不雄成則不恃其成而處物先不篡士則縱  
心直前而羣士自合非謀筭以致之直自全當而無過  
耳非以得失經心也若然者理固自全非畏死也故真  
人陸行而非避濡也遠火而非逃熱也無過而非措當  
也故雖不以熱為熱而未嘗赴火不以濡為濡而未嘗蹈

水不以死為死未嘗喪生故夫生者豈生之而生哉成者豈成之而成哉故任之而無不至者真人也豈有概意于所遇哉言夫知之登至于道者若此之遠也

### 呂注

人知天之所為則知吾之所自生者天也莫之為而人所為則以其所知養其所不知言以知養生非以生隨知所以能盡年而不中夭也世所謂知之盛者無過于此然不免有患孟所謂知天知人必待知而後當知非道之真而待以為當所待固未定也則安知吾向之所謂天者非人乎所謂人者非天乎唯真人有真知則以不知知之而無所待也天下是非不一則從眾而已從眾則不免于逆寡也地道無成而代有終剛則不免于雄成也詢謀僉同則不免于篡士也此皆聖人應世之迹而非其真真人者體純素而無我則雖過也不得不遇何悔之有雖當也不得不當何自得之有若然則登

高我所以為也將誰慄水火亦我所以為也將誰濡且  
熱知固非道而真人真知能登假于道也若此

### 新傳

所天人所為者以不知知也知天人之所為知天人之

之妙理以不知知人則盡于有為之極致此即老子無  
欲觀妙有欲觀微之說也至此不可謂非知之盛矣而  
猶有患者知天人之二不知其一也達觀者知天人大  
同渾然無別則所謂同出而異名同謂之玄矣故曰厲  
詎知天之非人乎人之非天乎有真人而後有真知真  
知者不知也乃能持其順以待少守其雌而若缺不謀  
不致而士自來合故曰不運寡不雄或不蒙士真人如  
此安有于過歟一或有過則不以得失介于心不介于  
心則無心于物也無心于物則與物不迁而物亦不傷  
之矣此非真人之有異乎人蓋由以真知而入道故也  
故曰知之登假  
于道也若此

管見

寡謂貧約之時成謂盛大之時處約當以順逆則害生處盛當以謙維則禍至舉士以事釋之義長

即云不思慮不豫謀是也若然者應酬接物之間過干事情蓋適然耳何悔之有當于事情亦適然耳何自得之有譬夫飄瓦虛舟無心造物故物亦不忌之以是而登焉何者為懷以是而人水火何者為濡與熱哉因知而升至于道猶若此况忘知而頓悟者乎

古之真人其寢不夢其覺

教

無憂其食不甘其息深深

真人之息以踵衆人之息以喉屈服者其嗑

厄

言若哇

其嗜欲深者其天機淺古之真人不知悅生不知惡死

其出不訢

欣

其入不距脩

蕭

然而往脩然而來而已矣

不忘其所始不求其所終受而喜之忘而復之是之謂  
不以心捐道不以人助天是之謂真人

郭注

寢不夢無意想也覺無憂遇即安也食不甘理當  
食耳真人之息以踵乃在根本中來嗌言若哇氣

不平暢也深根寧極然後反一無欲故嗜欲深者天機  
淺也不知悅生惡死者與化為一體不訴不距者泰然而  
任之也豁然往來者寄之至理故往來而不難也終始  
變化皆忘之矣豈直逆忘其生而猶復探求死意邪受  
而喜者不問所受者何物遇之而無不適也忘而復者  
復之不由于識乃至也夫人生而靜天之性也感物而  
動性之欲也物之感人無窮人之逐物無節則天理  
滅矣真人知用心則背道助天則傷生故不為也

呂注

無思慮則寢不夢無嗜欲則食不甘然後其息深  
深而以踵矣踵者氣之元息之所自起身以足為



踵息以所自起為踵皆以其至下言之深之又深則至于無息矣衆人失守而屈服者其嗑言若哇求息以踵可得乎其天機淺物觸則發也其息以踵則去物遠矣知生而悅死而惡出而斯入而距以棄其所謂儻然者則是以此心捐道愛生而求其生之所始畏死而求其死之所終不能喜而受之忘而復之昧于自然而益生焉是以人助天也

**疑獨** 心無思者魂閑而不遊乎物其寢所以無夢形無為者神閑而不役于物其覺所以無憂味無味者味味而不味于味其食所以不甘

**循本** 息之深者如藏于足息之淺者如出于喉其實氣海為息之根帶天機者天然之氣機即息也嗜欲

深則息淺矣如屈服者嗜欲深也嗑言若哇者天機淺也

筆乘

出世為出即生也來也始與受也返造化為入即死也往也終與復也知其始之未始有始也則不

忘其所始矣知其終之未始有終也則不求其所終矣如此則可以出入造化遊戲死生而莫悅與惡之有心捐道者心一有所變即捐道矣道無生死而人有二心非棄道而何人助天者即老子狹其所居厭其所生求益于有生之外者也而真人不然則知怖死生求出離猶為第二義也

若然者其心志其容寂其顙顙

去軌反

淒然似秋煖喧然

似春喜怒通四時與物有宜而莫知其極故聖人之用兵也亡國而不失人心利澤施乎萬世不為愛人故樂洛通物非聖人也有親非仁也天時非賢也利害不通

非君子也行名失已非士也亡身不真非役人也若狐

不偕務光伯夷叔齊箕子胥餘紀他沈申徒狄是役人

之役適人之適而不自適其適者也

商本狐不偕古賢人務光黃帝時人

耳長七寸胥餘尸子云箕子名或云比干申徒狄殷人荀子載其負石沉河

郭注

所居而安為志寂者雖行而無傷于靜也穎大朴之貌似秋殺物非為戚也似春生物非為仁也喜

怒通四時言體道合變者與寒暑同其溫嚴而未嘗有心也然有溫嚴之貌生殺之節故寄名于喜怒耳與物宜者言無心于物故不奪物宜無物不宜故莫知其極也其用兵也因人心之所欲亡而亡之故不失人心也夫白日登天六合俱照非愛人而照之也故聖人之在天下煖然若陽春之自和故蒙澤者不謝淒乎若秋霜

之自降故凋落者不怨夫聖人無樂也直莫之塞而物  
自通耳無親也任理而物自存耳天時者未若忘時而  
自合之賢也不能一是非之塗而就利違害則傷德累  
當矣善為士者遺名而自得故名當其實而福應其身  
自失其性而矯以從物受役多矣安能役人若狐  
不偕務光之徒斯皆舍己拘人殉彼傷我者也

呂注

其心志者志于道也容寂則神凝不動顙顙則反  
朴無態淒然似秋非有所惡煖然似春非有所愛

喜怒通四時則同乎天和所以與物宜也亡國而不失  
人心吾無心于惡之也澤萬世不為愛吾無心于愛之  
也其于物也因其自通其于仁也天下兼忘其于時也  
行藏在我困而不失其所守者君子所守異乎凡民者  
士也忘高深遺死生者役人也故自聖人仁賢以至役  
人雖尊卑貴賤之不同要皆有所謂真然後足以克其  
名若狐不偕務光之徒皆役人之役而不自適其  
適者也唯無所為而為之乃所以自適其適也

筆乘

志字趙氏正為忘字與容寂義協其論似當吉甫解役人益本胥靡登高不懼遺死生也意則妙矣

然以下大役人之役語觀之尤覺子玄為覈

古之真人其狀義而不朋若不足而不承與乎其觚而不堅也張乎其虛而不華也邴邴乎其似喜乎崔乎其不得已乎濔乎進我色也與乎止我德也厲乎其似世乎謦乎其未可制也連乎其似好閉也悅免乎忘其言也以刑為體以禮為翼以知為時以德為循以刑為體者綽乎其殺也以禮為翼者所以行于世也以知為

時者不得已于事也以德為循者言其與有足者至于丘也而人真以為勤行者也

郭注

義而不朋與物同宜而非朋黨也冲虛無餘若不

常遊于獨而非固守也虛而不華曠然無懷乃至子實也邴邴似喜至人無喜暢然和適故似喜也崔乎不得已者動靜行止常居自然之極也濬乎進者不以物傷已也與乎止者無所趨也厲乎似世者至人無厲與世同行故若厲也警乎未可刺者高放而自得也連乎似好閑者綿邈深遠莫見其門也恍乎忘言者不識不知而天機自發也刑者治之體而非我為禮者世之自行而非我制知者時之動而非我唱德者彼所循而非我作以刑為體者任治之自殺雖殺而寬也以禮為異者順時之所行故無不行也夫高下相受不可逆之流也

小大相牽不得已之勢也曠然無情羣知之府也承百  
流之會居師人之極者奚為哉任時世之知委必然之  
事付之天下而已丘者所以本也以性言之則性之本  
也夫物各有足足于本也付羣德之自循斯與有足者  
至于本也本至而理盡矣凡此皆自彼而成成之不在  
已則雖處萬機之極而常閑暇自適忽然不覺事之經  
身恍然不識言之在口而人之  
大迷真謂至人之為勤行者也

### 詳道

其狀義而不朋不可得而親踈苦不足而不承不  
可得而貴賤歟而不堅行雖不圓而非固守虛而  
不華文雖弗實而非滅質耐乎其似喜暢然自適也崔  
乎不得已迫而後應也濡乎進我色尚精于內發神于  
外也與乎止我德利用于外不蕩于內也厲乎摯乎連  
乎三者至為去為也恍乎其言至言去言也真人之道  
至于去為去言者以刑禮知德為本而已矣經中多以  
山喻道丘喻德藐姑射之山隱斧之丘與具茨之山崑

卷二  
番之邱是也真人之通用之不勤而人真以為  
勤行者是觀萬物之衆而疑天地雕斲之勞也

故其好之也一其弗好之也一其一也一其不一也一  
其一與天為徒其不一與人為徒天與人不相勝也是  
之謂真人死生命也其有夜旦之常天也人之有所不  
得與皆物之情也彼特以天為父而身猶愛之而況其  
卓乎人特以有君為愈乎已而身猶死之而況其真乎  
泉涸魚相與處于陸相呴以濕相鴻以沫不如相  
忘于江湖與其譽余堯而非桀也不如兩忘而化其道



郭注

常無心而順彼故好與不好所善所惡與彼無二也其一也天徒也其不一也人徒也夫真人同天

人均彼我不以其一異乎不一無有不一者天也彼彼而我我者人也真人同天人齊萬致萬致不相非天人不相勝故曠然無不一冥然無不任而玄同彼我也其有夜旦之常天之道也故知死生者命之極非妄然也若夜旦耳奚所係哉真人在晝得晝在夜得夜以死生為晝夜豈有所不得乎人之有所不得而憂虞在懷皆物情耳非理也卓者獨化之謂也夫相因之功莫若獨化之至也人之所困者天也天之所生者獨化也人皆以天為父故晝夜寒暑猶安之而不取惡况卓爾獨化至于玄冥之竟又安得而不任之哉真者不假于物而自然也夫自然之不可違豈直君命而已哉故證以涸魚之喻與其不足而相愛豈若有餘而相忘夫非譽皆生于不足至足者忘善惡遺死生與變化為一曠然無不適矣又安知堯桀之所在邪

呂注

夫物視其所一而不見其所異故其好之者美與善也而美善出于此不好之者惡與不善而惡與

不善亦出于此則好與不好一也一猶水之湛然者其不一猶水之波流亦水而已知此則非獨止而後止也然有一有不一者其一與天為徒退藏于密也其不一與人為徒吉凶與民同患也莫之致而致者命莫之為而為者天則人之有所不得與此物之情也吾何為哀樂于其間哉以天為吾之所自生身猶愛之況生之所自生其為父也卓矣獨不愛之乎苟為知其卓者而愛之則生無足忻明矣人特以有君為愈乎已身猶死之而況其真乎苟知其真者而聽之則死無足懼明矣性命之源涸處乎人偽之陸而吟濡以仁義之濕沫不若相忘于道術之江湖而不知死生聚散也蓋悅生惡死者情無死無生者道舉堯非桀亦情而已知而忘非舉而化其道則所以忘死生者未始不同也

新傳

真人無心其好惡所以一也真人抱二不一所以同也無心而一則任自然故曰與天為徒也抱一

而同則或使然故曰與人為徒也毀譽者世情之變聖人雖為之應而心實無有若夫遺世情而特以蕪忘為是則何以與人為徒哉此莊子之所非而世之愚儒反以非莊子也

副墨

到此方發出所以不悅生惡死之故好即悅也不好即惡也所以不悅不惡者知其一故也一即天

也知其一則不以人助天不以心捐道所謂必有真人而後有真知者知此而已情實也死生有命如天有夜旦之常非人力可得而與此物之實理所謂卓與真者也人之不能離此道猶魚之不能離水苟離于此則一者不一而是非毀譽焚然以生矣孰若兩忘而化于道者之為得乎此便是其一者一其不一者一不惟是非毀譽當付之兩忘至于死生大變亦兩忘之而毫不以人力與焉蓋死生雖不一而其一者未嘗不一也

夫大塊載我以形勞我以生佚我以老息我以死故善  
吾生者乃所以善吾死也夫藏舟于壑藏山于澤謂之  
固矣然而夜半有力者負之而走昧者不知也藏小大  
有宜猶有所遯若夫藏天下于天下而不得所遯是恒  
物之大情也特犯人之形而猶喜之若人之形者萬化  
而未始有極也其為樂可勝計邪故聖人將遊于物之  
所不得遯而皆存善天善老善始善終人猶效之又况  
萬物之所係而一化之有待乎

郭注

我夫形生者死皆我也故形為我載生為我勞老為我佚死為我息四者雖變未始非我我奚惜哉死

與生皆命也無善則已有善則生不獨善也故若以吾生為善乎則吾死亦善也方言生死變化之不可逃故先舉無逃之極然後明之以必變之符將任化而無係也夫無力之力莫大于變化者也故乃揭天地以趨新而不移也世皆新矣而自以為故舟山日易而視之若負山嶽以舍故故不暫停忽已涉新則天地萬物無時而不移也世皆新矣而自以為故舟山日易而視之若前今交一臂而失之在冥中去矣故向者之我非復今我也我與今俱往豈常守故哉而世莫之覺謂今之所遇可係而在豈不昧哉不知與化為體而思藏之使不化則雖至深至固各得其所宜而無以禁其日變也故夫藏而有之者不能止其趣也無藏而任化者變不能變也無所藏而都任之則與物無不冥與化無不一故無內外無死生體天地合變化索所趣而不得矣此乃常物之大情非一曲之小意也人形乃是萬化之一端

耳無極之中所遇者皆若人也豈特人形可喜而餘物無樂邪本非人而化為人化為人失于故矣失故而喜喜所遇也變化無窮何所不遇所遇而樂樂豈有極乎夫聖人遊于變化之途放于日新之流萬物萬化亦與之萬化化者無極亦與之無極誰得遊之哉夫子生為亡而于死為存于死為存則何時而非存哉夫自均于百年之內不善少而否老未能體變化齊死生也然其平粹猶足以師人也况玄同萬物而與化為體其為天下之所宗也不亦宜乎

呂注

大理之于我固無情也苟為善吾生則善吾死必矣吾何悅惡哉物無大小心存則存心亡則亡苟

為非道未有存而不去者故藏舟藏山于壑澤可謂固矣吾心一遺則忽然失之夜半玄極之時有物于此從而藏之玄極之處非有力者能若是乎夫藏小大得宜而猶有所避以有涯之生藏無窮之宇宙而欲其無避

豈常物之情哉天下者萬物之所一得所一而藏于所  
一則彼有力者雖欲負之而走將安之哉非真知不足  
此以與

### 肇論

莊生之所以藏舟仲尼之所以逝川斯皆感往者  
之難留也何者人則謂少壯同體百齡一質徒知

年往不覺形隨是以梵志出家白首而歸隣人見之曰  
昔人尚存乎梵志曰吾猶昔人非昔人也隣人皆愕然  
非其言也所謂有力者負之  
而趨昧者不覺其斯之謂歟

### 江通

物與化為體體隨化而遷百年之中大化有四後  
于其間時變歲遷日改月化雖一息之頃喏吟前

後新故不同譬彼風之擊水前波非後波燈之在缸後  
燄非前燄俯仰之間已形萬變昧者潛移于造化但觀  
已形之陳迹不知造化之默運于物之成而樂其成不  
知虧之之理已伏矣于物之虧而嘆其虧不知成之之

理已進矣揚子大玄言月闕其東不知開明于西蓋言  
大化之密移虧成之迭進也求之于身百年之役顏色  
智態皮膚爪髮無日不異亦已明甚奈何其不自悟邪  
此莊生踰藏舟孔子嘆逝川之義也

管見

藏舟藏山喻人處造化中欲逃造化之遷變不可  
得也凡天下之物有藏必有遊遊則不存矣唯其

無所藏故物不得遊而皆存物不得遊而皆存之處無  
何有之鄉廣莫之野是也得是而遊焉任其無心之遇  
曠然達觀無往不存此藏天下于天下之道也雖出機  
入機生化萬變見其日新耳物安所逃哉世人執于私  
見往往認物以為已有謂舟山為不遊之物壑澤為可  
藏之地形質有不化之方不悟夫冥樞潛運寸壑不停  
物與地者與形俱化而不自知也然則欲超遊化將有  
道乎曰無藏無執心與天遊欲求見在猶不可得又惡  
知所謂  
遊化哉



夫道有情有信無爲無形可傳而不可受可得而不可  
見自本自根未有天地自古以固存神鬼神帝生天生  
地在太極之先而不爲高在六極之下而不爲深先天  
地生而不爲久長于上古而不爲老徧喜韋氏得之以  
挈天地伏戲義得之以襲氣母維斗得之終古不忒日  
月得之終古不息堪坏丕得之以襲崑崙馮惡夷得之  
以遊大川肩吾得之以處大山黃帝得之以登雲天顓  
頊得之以處玄宮禺强得之立乎北極西王母得之坐

乎少廣莫知其始莫知其終彭祖得之上及有虞下及  
五伯傳說得之以相武丁奄有天下乘東維騎箕尾而  
比于列星

郭注

有無情之情故無為也有常無之信故無形也古  
今傳而宅之莫能受而有之咸得自容而莫見其

狀未有天地自古固存明無不待有而無也無也豈能  
生神哉不神鬼帝而鬼帝自神斯乃不神之神也不生  
天地而天地自生斯乃不生之生也故夫人之果不足  
以神而不神則神矣功何足有事何足恃哉夫道在高  
為無高在深為無深在久為無久在老為無老無所不  
在而所在皆無也且上下無不格者不得以高卑稱也  
內外無不至者不得以表裏名也與化俱移者不得言  
久也終始常無者不得謂老也自稀韋氏得之至比列

星言得之于道乃所以明其自得耳道不能使之得也  
我之未得又不能為得也然則凡得之者外不資于道  
內不由于已掘然自得而獨化也夫生之難也猶獨化  
而自得之矣既得其生又何患于生之不得而為之哉  
故為生果不足以全生以其生之不由于已為也而為之則傷其真生矣

呂注

寒暑得之而往來萬物得之而生育豈不有情乎  
耳目得之而視聽手足得之而運動豈不有信乎

然求其為之者不可得是無形也或不言而喻或目擊  
而存是可傳也而莫得而有之不可受也以心契之胞  
然而合是可得也而莫得其朕不可見也萬物之生未  
嘗無本根而此則自本自根萬物因天地而後有此則  
未有天地自古固存鬼帝得我則不生雖今日猶為太  
猶無靈響也天地得我則不生雖今日猶為太  
極也高深言其形久老言其時我則無形無時所以道  
隱無名也古之聖人隱顯不同未有不得道而為聖者

非特旒韋氏至于傳說而已道為天下母自天而下未  
有不得道而立者非特維斗日月而已此其所以為太

宗師

筆乘

曰大宗師者道也至此方明說出道無形無為也而

動信者動之符即老子其中有信之信也太易者未見  
氣太初者氣之始未見氣為父則氣者母也北斗天之  
綱維故曰維斗堪坯神名人面獸形馮夷清冷傳曰華  
陰潼鄉隄首人服八石得水仙是為河伯一云以八月  
庚子浴于河而溺死肩吾山神不死至孔子時黃帝得  
道登天即鼎湖上升之事玄宮北方之宮月令曰其帝  
顓頊其神玄冥是也禹強海神山海經曰北海之渚有  
神人面鳥身珥兩青蛇踐兩赤蛇名禺強西王母山海  
經曰狀如人狗尾蓬頭戴勝善嘯居洵水之涯漢武帝  
內傳西王母與上元夫人降帝美容貌神仙人也少廣

山名一云西方空界之名傳說一星在尾上言其  
樂東維騎箕尾之間也箕斗為天漢津之東維

南伯子葵問乎女偶禹曰子之年長矣而色若孺子何  
也曰吾聞道矣南伯子葵曰道可得學邪曰惡惡可子  
非其人也夫卜梁倚有聖人之才而無聖人之道我有  
聖人之道而無聖人之才吾欲以教之庶幾其果為聖  
人乎不然以聖人之道告聖人之才亦易矣吾猶守而  
告之參三日而後能外天下已外天下矣吾又守之七  
日而後能外物已外物矣吾又守之九日而後能外生

已外生矣而後能朝徹朝徹而後能見獨見獨而後能  
無古今無古今而後能入于不死不生殺生者不死生  
生者不生其為物無不將也無不迎也無不毀也無不  
成也其名為櫻寧櫻寧也者櫻而後成者也南伯子葵  
曰子獨惡乎聞之曰聞諸副墨之子副墨之子聞諸洛  
誦之孫洛誦之孫聞之瞻明瞻明聞之聶許聶許聞之  
需役需役聞之於鳥謳於謳聞之玄冥玄冥聞之參寥  
參寥聞之疑始

殺生李云忘生崔云除其營生也故不  
死生生李云裕生崔云常營其生也故

不生

郭注

閑道則任其自生故氣色全也外猶遺也物者朝

死不忍死故所遇即安露然無滯見幾而作斯朝徹也  
當所遇而安之忘先後之所接斯見獨者也無古今與  
獨俱往也係生故有死惡死故有生無係無惡則無死  
無生矣任其自將故無不將任其自迎故無不迎任其  
自毀故無不毀任其自成故無不成夫與物冥者物繫  
亦繫而未始不宰也物繫而獨不繫則敗矣故繫而任  
之則莫不曲成也玄冥者所以名無而非無也夫階名  
以至無者必得無于名表故雖玄冥猶未極而又推寄  
于參寥玄之又玄也自然之理有積習而成者蓋階近  
以至達研粗以至精故乃七重而後無之名九重而後  
疑無是始也

呂注

人聞通則憂患不能入所以年長而色穉有聖人之道者得其大本大宗有聖人之才者以是道推

之天下國家也卜梁倚有其才而無其道故守而告之由粗以至精也已外天下而後外物外物而後外生外生而後朝徹言沈冥于有身自省至是徹而為旦也見獨者彼是各得其偶無古今來萬歲而一成純也不死不生則死者我殺之而我未嘗死生者我生之而我未嘗生將迎成毀雖皆擇之而我未嘗殆故名曰櫻寧櫻寧者櫻而後成者也道以體之為正則文墨所論者乃其副也洛誦謂綿洛貫寧而誦之子孫者言道之所生在乎此也瞻明見理之明聶許蹈而行之也需役需物而使之於詠詠歌以樂之也自副墨至瞻明學而有所見自攝許至於詠行而至于樂然皆未足以為道之體玄冥則無見無知參寥則無亦不立疑其為始而莫知其為始乃其所以始也



循本

心所以殺生也而不死縱情肆欲所以生生也而

不生將送也擇觸也副墨洛誦假文墨之名瞻明聶許

假耳目之名需役於謳假役夫歌謠之名參寥者參合

則玄之又玄矣

副墨

上既言得道此則言道不易聞不易傳也外天下

下易外物難外物異外生難外生者忘我也忘我而後  
能朝徹朝徹而後能見獨獨者與物無匹也見獨則無  
古今無去來而可以言道矣既又自解何以入于不生  
不死蓋殺生者不死生生者不生殺生者心死而神活  
也生生者心活而神死也天下將迎成毀與接為構世  
人心遊其間一心方將一心迎之一心畏毀一心成之  
生滅憧憧無有了歇其又惡此者又欲撥而去之不知  
除生滅之心亦生滅也惡能入于不死不生之鄉哉今

無不將也無不迎也無不毀也無不成也因其自至而我無容心此則名為樸寧樸寧者樸而後成者也謂于世勢擾擾之中而成大定此則不壞世相而成實相豈與斷滅種性以求成者同乎哉副墨書也洛誦言也膽明視也聶許聽也需役行也於謳歌也玄冥深沉參寥空廓疑始疑其始而未始有始也言道得之言語文字而領之以心會之以神則已之朝徹而獨見者也

子祀子輿子犂子來四人相與語曰孰能以無為首以生為脊以死為尻

若羔反

孰知死生存亡之一體者吾與

之友矣四人相視而笑莫逆于心遂相與為友俄而子輿有病子祀往問之曰偉哉夫造物者將以予為此拘

拘也曲僂

續

發背上有五管願隱于齊肩高于頂句

句

贅指天陰陽之氣有沴

麗

其心間

閒

而無事跣

步田反

躡

悉田反

而鑑于井曰嗟乎夫造物者又將以予為此拘拘

也子祀曰女惡之乎曰亡予何惡浸假而化予之左臂  
以為鷄子因以求時夜浸假而化予之右臂以為彈子  
因以求鴉炙浸假而化予之尻以為輪以神為馬子因  
而乘之豈更駕哉且夫得者時也失者順也安時而處  
順哀樂不能入也此古之所謂懸解也而不能自解者

物有結之且夫物不勝天久矣吾又何惡焉

句贅項推也句猶言

節也推骨二十四節贅言其形如贅瘤也跣蹠病不能行貌拘拘學曲之甚將者恐自此更甚也

郭注

淦淦凌亂也夫任自然之變者無咎也與物嗟耳浸漸也體化合變則無往而不因無因而不可當所

遇之時世謂之得時不暫停順往而去世謂之失安時處順謂之懸解一不能自解則衆物共結之矣能解則

無所不解不解則無所而解也天不能無晝夜我安能無死生而惡之哉

呂注

曲淦發背至句贅指天言病之拘孥而可惡此特陰陽之氣有淦耳其心閑而無事是以雖跣蹠而

不害于鑑井鑑井者反照于性之譬浸假而化者凡三而予之所體者則一此所謂萬化而未始有極也以無為首以生為脊以死為尻神則轉之者也故以尻為輪以神為馬予因而乘之豈更駕哉生之來不能知則得

者時也其去不能樂則失者順也安時處順哀樂不能入則無所懸此所以為解也若非時而求當順而逆則是物有結之而不能自解者也來不能却去不可禦則知物不勝天矣吾何忍之哉

通義

首脊尻只是首尾始終凡物始于無終于無其生其死一念之起滅一氣之往來耳苟入于不死不生其所存豈在

七尺之軀哉

俄而子來有病喘喘

一作喘

然將死其妻子環而泣之犂

往問之曰叱避無怛化倚其戶與之語曰偉哉造化又將奚以汝為將奚以汝適以汝為鼠肝乎以汝為蟲臂乎子來曰父母于子東西南北唯命之從陰陽于人

趨于父母彼近吾死而我不聽我則悍

一作悍

矣彼何罪

焉夫大塊載我以形勞我以生佚我以老息我以死故  
善吾生者乃所以善吾死也今大冶鑄金金踊躍曰我  
且必為鏐鄒大冶必以為不祥之金今一犯人之形而  
曰人耳人耳夫造化者必以為不祥之人今一以天地  
為大鑪以造化為大冶惡乎往而不可哉成然寐遽然  
覺

郭注

死生猶寤寐耳于理當寐不願人驚之將化而叱  
無為怛之也自古或有能違父母之命者未有能

達陰陽之變而距晝夜之節者也死生猶晝夜未足為達也時當死亦非所禁而橫有不聽之心適足悍逆于理以速其死耳其死之速由于我悍非死之罪也彼謂死耳在生故以死為彼善吾生善吾死理常俱也人耳不能任其自化夫變化之道靡所不遇今一遇人形豈人為哉生非故為時自生耳矜而有之不亦妄乎人皆知金之有係為不祥故明已之無異于金則所係之情可解可解則無不可也成然寐蓮

然覺寤寐自若不以死生累心也

呂注

鼠蟲人之所甚賤而氣形之散為肝與腎又其所忌者也于斯時也問所賤所忌蓋以考子來之所

安知陰陽之于人不翅父母而聽之知大塊之息我以死而善之則安用問其奚以汝為奚以汝適邪夫躍治之金人必以為不祥人之願為人可也亦然今一以天地造化為鑑治則鼠肝蟲臂無往而不可成然寐蓮然覺

言死生之際若寤寐之從容不為之變也

管見

人處世間萬物之一而所謂人者不知其幾億萬計則何以汝為此釋其滯念而開其曠懷也鑄金

之喻蓋慮常情畏死而不得免則預為他生之計毫釐係念萬劫縈纏如躍冶之金亦祇以異而鑄鄒不可必得矣是以至人以天地為鑪造化為冶萬化無極吾與之無極何必曰人耳人耳而憂其不得耶觀古人之所以自處者若此則豈生死所能拘蓋以生為寐死為覺故也以死為覺則何時而非覺哉

子桑戶孟子反子琴張三人相與友曰孰能相與于無

相與相為于無相為孰能登天遊霧撓

義徒克反

無極

相忘以生無所終窮三人相視而笑莫逆于心遂相與



友莫然有間而子桑戶死未葬孔子聞之使子貢往待  
事焉或編曲或鼓琴相和而歌曰嗟來桑戶乎嗟來桑  
戶乎而已反其真而我猶為人猗子貢趨而進曰敢問  
臨尸而歌禮乎二人相視而笑曰是惡知禮意子貢反  
以告孔子曰彼何人者邪修行無有而外其形骸臨尸  
而歌顏色不變無以命之彼何人者邪孔子曰彼遊方  
之外者也而丘遊方之內者也外內不相及而丘使女  
往弔之丘則陋矣彼方且與造物者為人而遊乎天地

之一氣彼以生為附贅縣疣以死為決疣

換

潰癰夫若

然者又惡知死生先後之所在假于異物託于同體忘其肝膽遺其耳目反覆終始不知端倪茫然彷徨乎塵垢之外逍遙乎無為之業彼又惡能憤憤然為世俗之禮以觀衆人之耳目哉子貢曰然則夫子何方之依曰丘天之戮民也雖然吾與汝共之子貢曰敢問其方孔子曰魚相造乎水人相造乎道相造乎水者穿池而養給相造乎道者無事而生定故曰魚相忘乎江湖人相

忘乎道術子貢曰敢問畸人曰畸人者畸于人而侔于

天故曰天之小人人之君子人之君子天之小人也

挑撓

循本猶  
戲弄也

郭注

夫體天地實變化者雖手足異任五藏殊管未嘗  
相與而百節同和斯相與于無相與也未嘗相為

而表裏俱濟斯相為于無相為也若乃役其心志以恤  
手足運其股肱以營五藏則相營愈篤而外內愈困矣  
故以天下為一體者無愛為于其間也撓挑無極無所  
不任也忘其生則無不忘矣故能隨變任化無所窮竟  
相視而笑莫逆于心者寄明至親而無愛念之近情也  
人哭亦哭俗內之迹也齊死生忘哀樂臨尸能歌方外  
之志也夫知禮義者必遊外以經內守母以存子稱情  
而直往也若乃矜乎名聲牽乎形制則孝不任誠慈不

任實父子兄弟懷情相欺豈禮之大意哉夫禮有至極  
內外相冥未有極遊外之致而不冥于內者也未有能  
冥于內而不遊于外者也故聖人常遊外以弘內無心  
以順有故雖終日揮形而神色無變俯仰萬機而淡然  
自若夫見形而不及神者天下之常累也是故觀其與  
羣物並行則莫能謂之遺物而離人矣觀其體化而應  
物則莫能謂之坐忘而自得矣豈直謂聖人不然哉乃  
必謂至理之無此是故莊子將明流統之所宗以釋天  
下之可悟若直就稱仲尼之如此或者將據所見以排  
之故超聖人之內迹而寄方外于數子宜忘其所寄以  
尋迷作之大意則夫遊外弘內之道坦然自明而莊子  
之書故是超俗蓋世之談矣夫弔者方內之近事也苑  
之方外則陋遊乎天地之一氣者皆冥之故無二也以  
生焉附贅縣疣此氣之時聚非所樂也以死為決疣潰  
癰此氣之自散非所惜也死生代謝未始有極與之俱  
往則無往不可故不知勝負之所在假因也死生聚散

變化無方皆異物也無異而不假所假雖異共成一體  
故忘肝膽遺耳目任理而冥往五藏猶忘何物足識哉  
未始有識故能放身于變化之達玄同于反復之波而  
不知終始之所及也所謂無為之業非拱默也所謂塵  
垢之外非伏于山林也其所觀示于衆人者皆其塵垢  
耳非方外之冥物也子貢不問性與天道故見其所依  
而不見其所以依也夫所以依者不依也世豈覺之哉  
戰民者以方內為桎梏明所貴在方外也夫遊外者依  
內離人者合俗故有天下者無以天下為也是以遺物  
而後能入羣坐忘而後能應務愈遺之愈得之苟居斯  
極則雖欲釋之而理固自來斯乃天人之所不赦者也  
吾與汝共之言雖為世桎梏但為與汝共之耳明已恒  
自在外也人之與魚所造雖異其于由無事以得事自  
方外以共內然後養給而生定莫不皆然各自足而相  
忘也能遊外以冥內任萬物之自然使天性各足而帝  
王道成斯乃畸于人而侔于天也以自然言之則人無

小大以人理言之則俾  
于天者可謂君子矣

呂注

登天則遠于大相與相為于無相為歸根復命之處也

挽挑無窮無所終窮彼以反真為樂則臨尸而歌乃其  
宜也先王制禮使人平好惡而復入道之正則以反真  
為樂者豈非禮意哉遊方之內則與人為徒故以死為哀而無  
樂而不足哀遊方之外則與人為徒故以死為哀而無  
敢樂若三人者則綢繆于死生之間而不能解亦至人之  
矣無三人者則綢繆于死生之間而不能解亦至人之  
所哀也內外之志不同此所以不相及孔子使子貢往  
弔欲其知禮意不出乎性命之情而天下之妙理有不  
在禮法之間也遊乎天地之一氣則非陰非陽以生為  
附贅縣疣則以生為喪而侈之以死為決疣潰癰則以  
死為反而樂之也假于異物托于同體則非安能為世  
瞻耳目忘而遺之則反復終始不知端倪又安能為世

俗之禮哉孔子以爲已則遊方之內而盛稱方外之高  
子貢疑其雖遊方內而所依或不在此蓋所遊者迹所  
依者心也天之戮民言天刑之不可解若孔子則體性  
抱神以遊世俗安有所依足以累其心哉是以遊方內  
而不必出安天刑而不必解也又引魚以喻人穿池而  
養給不必大水也無事而生定不必方外也相忘江湖  
則非特穿池而已相忘道術則非特無事而已畸人侔  
天所以外而不內也天之小人人之君子則謹于禮法  
而不知性命  
之情者是也

顏回問仲尼曰孟孫才其母死哭泣無涕中心不戚居  
喪不哀無是三者以善喪蓋魯國固有無其實而得其  
名者乎回一怪之仲尼曰夫孟孫氏盡之矣進于知矣

唯簡之而不得夫已有所簡矣孟孫氏不知所以生不知所以死不知就先不知就後若化為物以待其所不知之化已乎且方將化惡知不化哉方將不化惡知已化哉吾特與汝其夢未始覺者邪且彼有駭形而無損心有旦宅而無情死孟孫氏特覺人哭亦哭是自其所以乃且也相與吾之耳矣庸詎知吾所謂吾之乎且汝夢為鳥而厲乎天夢為魚而沒于淵不識今之言者其覺者乎其夢者乎造適不及笑獻笑不及排安排而去



化乃入于寥天一

旦韻書一作神乃且郭解作宜字崔本乃作忌子玄晉人所見猶古本校

世本或可據

郭注

魯國觀其禮類回察其心盡死生之理應內外之宜者動而以天行非知之匹也故曰進于知簡擇

死生而不得其異若春秋冬夏四時行耳已簡而不得故無不安無不安故不以死生概意而付之自化也死生宛轉與化為一猶乃忘其所知于當今豈待所未知而預憂哉已化而生焉知未生之時方化而死焉知已死之後故無所避就而與化俱生也夫死生猶覺夢耳今夢自以為覺則無以明覺之非夢也苟無以明覺之非夢則亦無以明生之非死矣死生覺夢未知所在當其所遇無不自得何為在此而憂彼哉有駭形無損心者以變化為形之駭動耳故不以死生損累其心也有旦宅無情死者以形骸之變為旦宅之日新耳其情不

以為死也夫常覺者無往而有逆故人哭亦哭自是其  
所宜也死生變化吾皆吾之既皆自吾吾何失哉未始  
失吾吾何憂哉無逆故人哭亦哭無憂故哭而不哀靡  
所不吾也故玄同外內彌貫古今與化日新豈知吾之  
所在也夢為鳥夢為魚言無往而不自得也覺夢之化  
無往而不可則死生之變亦無時而足惜也所造皆適  
則忘適矣故不及笑排者推移之謂禮哭必哀獻笑必  
樂哀樂存懷則不能與適推移矣今孟孫常適故哭而  
不哀與化俱往也安于推移而與化俱去故乃入于寂  
寥而與天為一也自此以上至于子祀其致一也所執  
之喪異故  
歌哭不同

呂注

夫唯知其未始有物則不見有內外死生之異奚  
必遊方之外以死為樂至于臨尸而歌耶是以居

喪哭泣與人同而不為哀戚所累則與人異故寓之孟  
孫氏以明至至者不離乎世俗之同生猶是死猶是哭

泣猶是雖欲簡之而不得彼三子者雖不知死生存亡之所在而以生為喪以死為反則未為不知所以生所以死也以反真為樂為人所嘆則未為不就先不就後也孟孫氏不知所以生所以死則生無所喪死無所反也不就先不就後則死無足樂生無足嘆也非特如是而若化為物者固待其所不知之化而彼亦不知也蓋方將化惡知不化方將不化惡知已化則吾今與汝其夢未始覺者耶彼有人之形故有駭形而心不動故無損心死生猶夜旦故有旦宅無人之情故無情死此孟孫氏所以特覺也夫唯知此故人哭亦哭無涕不哀是自其所以乃而不足怪也且汝方夢為鳥為魚亦不知其夢則今之所言為覺為夢殊未可知以明孟孫氏則忘吾而特覺者也適所以笑適而造之非自適也故不及笑笑所以排笑而獻之非樂笑也故不及排排者排遣憂愁而去之則孟孫之忘死生亦不可造而獻也安排則非有為而排之去化則知其不可禦而順之寥則

不礙天則不人一則  
不二道盡于此矣

循本

進于知言勝于知喪禮者也簡損也學道者唯欲

指已化之人下化已指未化之人所不知之化已者所  
不自知其化到已身者也言若以爲先死者化而爲物  
以等待所不知後化之已乎則彼死者方將化安知不  
化者哉未死之已方將不化又安知已化者哉乃爾汝  
之稱與下吾字相對父母是吾親傍人則可呼之爲爾  
汝孟孫但覺傍人哭亦哭是哭不由中而由其所相爾  
汝者言視其親如傍人之親也因此乃字逐生下吾字  
設爲孔子云且吾與顏回不如孟孫之視其親猶傍人  
相與吾之矣又安知吾所謂吾之者果然乎因即夢覺  
以明之只尋常夢爲魚鳥未足異夢爲鳥而直戾天夢  
爲魚而直潛淵分明吾身是魚鳥矣今却在此言語知  
得見今是覺耶莫猶是夢耶如此看來吾所謂吾之者

正不可知也。前古吾特與汝未始覺此言覺亦恐是夢。又深一步造詣也。適適意也。喜者必笑。忽詣適意之境。者中有真樂。不及待笑。而後適。厭笑者。忽自厭其笑也。排布置也。自厭其笑者。出于不覺。不及布置。使之笑。以喻自然。天真不待拘守禮法也。安排而去化。綴上排字。人生富貴貧賤各有定分。如造物布置。然但當安之而已。死去則化。無復更有家者。曠遠之意。一者太極未判之初。入于寥天一者。復歸其初也。

意而子見許由。許由曰。堯何以資汝意。而子曰。堯謂我汝必躬服仁義而明言是非。許由曰。而奚來為。軼夫堯既已黜汝以仁義。而剗汝以是非矣。汝將何以遊夫遙蕩恣睢轉徙之塗乎。意而子曰。雖然。吾願遊于其藩。

許由曰不然夫盲者無以與乎眉目顏色之好瞽者無以與乎青黃黼黻之觀意而子曰夫無莊之失其美據梁之失其力黃帝之亡其知皆在鑪錘之間耳庸詎知夫造物者之不息我黥而補我剝使我乘成以隨先生邪許由曰噫未可知也我為汝言其大畧吾師乎吾師乎鑿萬物而不為義澤及萬世而不為仁長于上古而不為老覆載天地刻彫衆形而不為巧此所遊已毀道

德以為仁義似黥破玄同以為是非似剝恣睢自得貌藩崖也域也無瞳子曰盲有瞳子曰瞽鑿碎也

郭注

資者給濟之謂黥以仁義割以是非言其以形教

其藩言不敢求涉中道也且願遊其藩脩而已天下之

物未必皆自成也自然之理亦有須治煅而為器者故

無莊破梁黃帝聞道而後亡其所務也此皆寄言以

遣云為之累夫率性直往者自然也往而傷性性傷而

能改者亦自然也庸詎知我之自然當不息黥補割而

乘可成之道以隨夫子邪而欲棄而勿告恐非造物之

至也整澤萬物皆自爾耳亦無愛為于其間也安所寄

其仁義不為老日新也不為巧自然也此所遊已言遊

于不為而師

於無師也

呂注 道之大通達蕩恣睢轉徙之塗是也無莊自美而

煅煉言三人之亡其累非天性無之亦在于鎔鑄煅鍊

之問則安知造物者之不息黜補剝使我來其成心以隨先生之無為邪夫整澤萬物長于上古刻彫衆形此吾之所遊而以爲師者也子欲息黜而補剝亦以是爲師而已

顏回曰回益矣仲尼曰何謂也曰回忘仁義矣曰可矣猶未也他日復見曰回益矣曰何謂也曰回忘禮樂矣曰可矣猶未也他日復見曰回益矣曰何謂也曰回坐忘矣仲尼夔然曰何謂坐忘顏回曰墮<sub>落</sub>枝體黜聰明離形去知同于大通此謂坐忘仲尼曰同則無好也化則無常也而果其賢乎丘也請從而後也



郭注

同益矣以損之為益也仁者兼愛之迹義者成物之功愛之非仁仁迹行為成之非義義功見焉存

夫仁義不足以知愛利之由無心故忘之可也但忘功迹猶未玄達禮者形體之用樂者樂生之具忘其具未若忘其所以具也夫坐忘者冥所不忘哉既忘其迹又忘其所以迹者內不覺其一身外不知有天地然後曠然與變化為體而無不通也無物不同則未嘗不通未嘗不通何好何惡哉同于化者唯化所適故無常也

詳道

見枝海以為百川則見川不見海合百川以歸海則見海不見川道海也仁義禮樂百川也回得通而

忘仁義禮樂是觀海而忘百川然猶未忘道也至于離形而忘物去知而忘心冥然無所係累則道果何在哉與我兼忘而已此回之所以賢也義近禮仁近樂故忘義而後忘禮忘仁而後忘樂蓋回之忘有所不忘而其益有所謂損不忘其所忘以歸于誠忘損之又損之以至于無損非造坐忘之妙何足以與此

欽定四庫全書

莊子  
卷二

呂注

人之爲人也久矣其悟道雖在一言之頃而復于無物非一日之積也同聞心齋而未始有同則悟

道于一言其于仁義禮樂以至于坐忘則非一日之積也同則物視其所一故無好化則未始有極也以無常同于大道則同于化而已矣

子與與子桑友而霖雨十日子與曰子桑殆病矣裹飯而往食之至子桑之門則若歌若哭鼓琴曰父邪母邪天乎人乎有不任其聲而趨促舉其詩焉子與入日子之歌詩何故若是曰吾思夫使我至此極者而弗得也父母豈欲吾貧哉天無私覆地無私載天地豈私貧我

哉求其為之者而不得也然而至此極者命也夫

郭注

此二人相為于無相為者也今裹飯而往食者亦任之天理而自爾非相為而後往也何故若是者

嫌其有情所以趨出遠理也命也夫言物皆自然無為之者也

呂注

莊子論大宗而卒之以孟孫才顏回以為如孔子體性抱神以遊世俗而後為至也然恐學者以子

桑之徒為不及孟孫氏子與之徒為不及子桑于是復合而論之其言則皆至于命而安之之辭諸子之迹雖不同以道為大宗師而至于命則一也

管見總論

宗師學者所主而尊之之稱冠之以大猶云眾父父也首論知天知人明義命以立其本

繼以真人真知寢不夢而覺無憂夫人之愛其父忠其君而身猶死之况其卓然至真者乎真之可貴有尊于

欽定四庫全書

莊子集  
卷二

六十九

君父之命而世俗罔知徒從事乎啣濡濕沫不若相忘江湖之為愈也大塊載形佚老息死此造物之善吾形也而人多貪生畏死故設藏舟藏山之喻以破其惑凡有形有生理無不遯雖壑澤深固猶不免乎變遷以有限之軀藏無窮之宇宙忌保其不遯哉唯能藏天下于天下斯無遯矣是乃聖人所遊一化所待生天生地萬化而未始有極者何特遇人之形而竊喜之乎長上古而不為老登雲天而處玄宮皆真人之妙用大宗師體之以為本民物學徒倚之以為命者也女偶之無古無今則死生不得係之矣祀來之莫逆相友則物我不得間之矣故左難右彈神馬尻輪聽造物之化隨所遇而安古之所謂懸解也曹何蟲臂鼠肝之足較而妄啓躍治之疑邪子反琴張弦歌而叩桑戶以涉世為勞友真為幸此遯方之外異乎世俗者方且與造物為人則壽夭窮通不足盡其變天地寒暑不得拘其體矣孟孫氏有駭形而無損心猶夢為魚鳥而厲天沒淵安于一時

之化豈以形間而異情哉。顏子墮體黜聰，坐忘造極，傳  
心理靈，繼統聖門，實為師者善化之力也。至于子桑鼓  
琴，若歌若哭，求其為之者，不得卒歸之于命。真人已得  
道，則超乎命世累，不得係之所謂真知，則究極天人暢  
達性命而無疑者也。窮理盡性，以至于命，則以處已而  
言，命物之化而守其宗，則以宰物而言，處已之命，子桑  
是也。宰物之命，其唯大宗師乎。

### 應帝王第七

郭注：夫無心而任乎自化者，應為帝王者也。循本此篇，所以應為帝王之

用帝王而悟此反乎太古之世矣。故內篇止此。

齧缺問于王倪，四問而四不知。齧缺因躍而大喜，行以  
告蒲衣子。蒲衣子曰：「而乃今知之乎？有虞氏不及泰氏，

有虞氏其猶藏仁以要

平聲

人亦得人矣而未始出于非

人泰氏其卧徐徐其覺

教

于于一以已為馬一以已為

牛其知情信其德甚真而未始入于非人

藏仁懷仁心以結人也一

作藏善也徐徐安穩貌于于無知貌簡文云昏寐之狀也

郭注

夫有虞之與泰氏皆世事之迹耳非所以迹也所以迹者無迹也世孰名之哉未之嘗名何勝負之

有故乘桴變履萬世世有夷險迹有不及也夫以所好為是入所惡為非人者以是非為域者也能出于非人之域者必入于無非人之境矣故無得無失無可無不可豈直藏仁而要人邪為馬為牛則奚是人非人之有任其自知故情信任其自得故無為不入乎是非之域所以絕于有虞之世也

呂注

然則四問即子知物之所同是耶子知子之所不知耶

四問而王倪一答以不知夫物之所同是者止于所不知王倪之不知乃真不知而體之者也有虞亦訓憂虞泰氏亦泰定之義謂有知而有虞不若無知而泰定有虞氏之迹猶藏仁以要人而人從之固得人矣然以仁為藏而是之不免以不仁為否而非之是未始出于非人有人有非人樊然殽亂矣泰氏其卧徐徐其覺于子以已為馬牛莫之惡也故其知信而不疑其德真而不偽惡知其不仁之為否而入于非人乎自王倪觀之則有虞氏不及泰氏可知矣不及者言其迹泰氏則有虞氏之所以迹也欲得其所以迹者解心釋神深造乎王倪之所不知而已

循本

有虞氏懷藏仁道以要結人心固亦得人矣然猶出于人為不若非人則相與于無相與故曰未始

出于非人若上古泰氏寢處自然無所作爲或一以已爲馬或一以已爲牛初無定名蓋緣泰氏其知實信其德甚真不如有人氏懷仁以要人故也然本非有意如此故曰未始入于非人因未始出字却生出未始入字

荆川

言舜猶有意尚是出于人道而非出于天道也未始入于非人泰氏之于天道不期而合也

管見

真知無知是以能無不知帝王之道尤宜忘知以任物使聰者爲之聽明者爲之視知者爲之謀勇者爲之捍吾則端拱而致無爲之治豈不偉歟道合乎天而人歸之此應帝王之第一義也

肩吾見狂接輿狂接輿曰日中始何以語汝肩吾曰告我君人者以已出經式義度人孰敢不聽而化諸狂接輿曰是欺德也其于治天下也猶涉海鑿河而使蜚負



山也夫聖人之治也治外乎正而後行確乎能其事者而已矣且鳥高飛以避矰弋之害鼯鼠深穴乎神丘之下以避熏鑿之患而曾二蟲之無知

郭注

取德者以已制物則物失其真也夫寄當于萬物則無事而自成以一身制天下則功莫就而任不

勝也故聖人之治也全其分內各正性命而已不為其所不能也且禽獸猶各有以自存故帝王任之而不為則自成也汝曹不如此二蟲之各存而不待教乎

筆乘

日中始人姓名經之武義之度皆所以正人也而離性已達故謂之取德涉海必溺鑿河難成套負

山則不勝任以取德而治天下亦猶此耳聖人之治也治因其自治而毋以正人為也故曰外乎正而後行斷

斷然盡其性命之能事而已矣性命之能事我無焉而民自正之謂也夫鳥鼠避患曾不待教況民之有知豈不如二蟲而必作為經式義度以拂亂其常性哉

天根遊于殷陽至蓼了水之上適遭無名人而問焉曰請問為天下無名人曰去汝鄙人也何問之不豫也予方將與造物者為人厭則又乘夫莽眇之鳥以出六極之外而遊無何有之鄉以處壑垠朗之野汝又何帛諧以治天下感予之心為又復問無名人曰汝遊心于淡合氣于漠順物自然而無容私焉而天下治矣

莽眇輕  
虛狀壖

琅猶瑯蕩也帛  
法也崔本作為

**郭注**

問為天下則非超於太初止于玄冥也與造化者  
為人則任人之自為莽眇羣碎之謂耳衆羣碎馳

萬物故能出處常通故乎自得之場不治而自治也遊  
心于淡任其性而無所飾也合氣于漠漠然靜于性而  
止也順物無私而天下治言任性自生公也心欲  
益之私也容私果不足以生而生而順公乃全也

**呂注**

無名人則體道者也體道者無所欣厭此云忻厭  
與人同也忻則與造物者為人厭則衆莽眇之為

出六極之外何則彼其為人存亡在已出入無迹孰肯  
以天下為事汝又何帛以治天下感其心為遊心于淡  
至無容私焉是乃無  
事而取天下之道也

**筆乘**

豫即凡事豫則立之豫言有先于為天下者也無  
以先之而求為天下于天下則後矣與造物者為

人與化俱運任而不助也乘莽眇出六極凌虛履妙超陰陽也遊何有處擴垠造道之域居空同也此即豫之道也而猶不寤故又明言以示之遊心者汎然自得而優于至靜也故曰遊心于淡合氣者其息深深而歸于至虛也故曰合氣于漠此皆順物自然而不以己與之故天下治益無意于為天下而為天下之道莫妙于此矣

陽子居見老聃曰有人于此嚮疾彊梁物徹䟽明學道不倦如是者可比明王乎老聃曰是于聖人也胥易技係勞形怵心者也且也虎豹之文來田猿狙之便執鰲之狗來藉如是者可比明王乎陽子居楚然曰敢問明

王之治老聃曰明王之治功蓋天下而似不自己化貸萬物而民弗恃有莫舉名使物自喜立乎不測而遊于

無有者也

也。嚮疾如嚮。應聲之疾。強梁之貌。也。田獵也。藉繩也。繫也。繫即裡。

郭注

胥易技係。勞形怵心。言此功夫容身不得。不足以聖王也。虎豹猿狙皆以文章技能係累其身。非

涉虛以御乎無方也。天下若無明王則莫能自得。今之自得實明王之功也。然功在無為而還任天下天下皆自得。自任故似非明王之功。夫明王昏就足物性。故人人皆云我自爾而莫知恃賴于明王。雖有蓋天下之功而不舉以為己名。故物皆自以為得而喜也。立乎不測者居變化之塗。日新而無方也。遊于無有者與萬物為體。則所遊者虛也。不能冥物則迂物不暇何暇遊虛哉。

呂注

能無疾者趨事之速強梁則非以柔勝物而徹之非

日損以為道者也。能有所技則勞其形思有所係則休其心。猶百工以短長有無胥易非聖人所以用天下也。虎豹猿狗之來田藉皆育以取之。則夫勞形休心而為天下用者亦強梁疏明之所自取也。藉猶借言巧力為人所借也。有力弗居化貸弗恃。則凡育者不能舉而名我使物自喜而已。所以然者立于不測遊于無有故也。

循本

胥刑徒易車更也。技係以技巧而係累也。胥徒更作之人則勞形技巧係累之人則怵心。

鄭有神巫曰季咸知人之死生存亡禍福壽夭期以歲月旬日。若神。鄭人見之皆棄而走。列子見之而心醉歸。以告壺子曰。始吾以夫子之道為至矣。則又有至焉者。

矣壺子曰吾與汝既其大未既其實而固得道與衆雖  
而無雄而又奚卵焉而以道與世亢必信夫故使人得  
而相汝嘗試與來以予示之明日列子與之見壺子出  
而謂列子曰嘻子之先生死矣弗活矣不以旬數矣吾  
見怪焉見濕灰焉列子入泣涕沾襟以告壺子壺子曰  
鄉吾示之以地文萌乎不震不正是殆見吾杜德機也  
嘗又與來明日又與之見壺子出而謂列子曰幸矣子  
之先生遇我也有瘳矣全然有生矣吾見其杜權矣列

子入以告壺子壺子曰鄉吾示之以天壤名實不入而  
機發于踵是殆見吾善者機也嘗又與來明日又與之  
見壺子出而謂列子曰子之先生不齊吾無得而相焉  
試齊且復相之列子入以告壺子壺子曰吾鄉示之以  
太冲莫勝是殆見吾衡氣機也鯢桓之審為淵止水之  
審為淵流水之審為淵淵有九名此處三焉嘗又與來  
明日又與之見壺子立未定自失而走壺子曰追之列  
子追之不及反以報壺子曰已滅矣已失矣吾弗及已



壺子曰鄉吾示之以未始出吾宗吾與之虛而委蛇不

知其誰何因以為弟

類

靡因以為波流故逃也然後列

子自以為未始學而歸三年不出為其妻饗食豕如食

人于事無與親彫琢復朴塊然獨以其形立紛而封哉

一以是終

衆雖無雄又奚卵者言汝受訓未熟故未成若衆雖無雄則無卵也地丈與土同也鯢魚

也桓盤桓

也審音盤回流所鍾之域也司馬

云當作蟠聚也弟從人從弟音顏作茅非

郭注

素而走是不喜自聞死日也無雄奚卵言列子之未懷道也未懷道則有心有心而亢其一方以必信

于世故可得而相之萌然不動亦不自正與枯木同其不華濕灰均于寂魄此乃至人無感之時也夫至人其

動也天其靜也地其行也水沅其止也淵默淵默之與  
水流天行之與地止其于不為而自爾一也今李咸見  
其尸居而坐忘即謂之將死見其神動而天隨即謂之  
有生誠能應不以心而理自玄符與化升降而以世為  
量然後足為物主而順時無極故非相者所測耳此應  
帝王之大意也德機不發曰杜權亦機也今乃自覺昨  
日之所見見其杜機故謂之將死也天壤之中覆載之  
功見矣比之地丈不猶外乎此應感之容也任自然而  
覆載則天機玄應而利名之飾皆為棄物機發于踵常  
在極上起也發而善于彼彼乃見之居太冲之極浩然  
泊心而玄同萬方故勝負莫得惜其間也無往不平混  
然一之以管窺天者莫見其涯故似不齊也淵者靜默  
之謂耳夫水常無心委順外物雖流之與止觀桓之與  
龍躍常淵然自若未始失其靜默也至人用舍雖異玄  
默一焉故略舉三異以明之雖波流九變治亂紛如居  
其極者常淡然自得泊乎忘為也未始出吾宗者雖變

化無常深根寧極也去蛇者無心而隨物化也不知誰  
何汎然無所係也變化顧靡世常波流無往而不因也  
夫至人一耳然應帝王者無方也食豕如食人忘貴賤也  
失而走此明應帝王者無方也食豕如食人忘貴賤也  
于事無與親唯所遇也雕琢復朴去華取實也塊然形  
立外飾去也紛而封哉雖動而真不散也一以是終使  
終物各自

### 呂注

既其文未既其實實者不識不知之處是也夫道  
未始有物虛空無相莫之與匹猶衆雖無雄吾非  
應物居然有藏于胸中猶無雄而卯是以道與世亢而  
必信者故使人得而相也地與陰同德則莫得而見示  
以地文使得而見也不震則不動不正即不止機者動  
之微也初見濕灰以為死不知其杜也及其有生然後  
知向之所見為杜推而非正也天則與陽同波莫得而  
見示以天壤使得而見也名實不人則無為機發于踵

所以示之也。壤者物所自生，踵者息所自起。是以知其有生而為善者，機也。地文則陰勝陽，天壤則陽勝陰。太冲則莫之勝而不一，是以疑其不齊。莫勝則平，故謂衡氣機也。三淵之義以喻心善淵，雖流止之與鯢桓，蓋未嘗不淵也。太冲莫勝亦若是而已矣。及乎未始出吾宗，則藏于天而示以無所，示彼莫得而見，故自失而走。蓋李咸以其心相人之心，我無心則彼所以相者亦不能獨立。是以失滅而不可復得也。虛而委蛇，不知其誰何，則無心無為其止也。因以為弟靡，則莫知其為靡也。其動也因以為波流，則莫知其為流也。求我于動止之間，皆不可得。此其所以逃也。食豕如食人，則忘我之至于事無與觀，致虛之極也。彫琢復朴，塊然獨立，紛而封哉。一以是終，雖萬物擾擾而吾之封自若。終莫之變也。

循本

無雄莫卯者如來同契云：北雖不獨卯，蓋言徇其一偏之術，則不能成道。喻列子之未盡其實地文。

昔山川草木也草木萌牙恬然安靜不見動搖各正性命不待人力但覺大地寂然而已度人經所謂神風靜默山海藏雲天無浮翳四氣朗清一國地土山川林木歸平一等無復高下正是此意即所謂杜德機杜閑藏不可見也杜權者閑藏之中却有權變覺與昨日所見畧不同也杜權正與杜德相對天壤者天之十二辰猶謂天之壤地也天壤字又與地文相對地主靜天主動內則機發于至深李成見吾善端發露之機耳猶有盡知者太冲猶言太和太冲則在杜德機善者機處于莫有勝于此者故言太冲莫勝衡平也衡字又對上權字地文天壤之間動靜各半得其平也衡字又對上權字示之以太冲莫勝者即衡氣機也觀桓觀所盤桓也審當作潘米汁也水成淵處必有泡沫浮于水面如米汁也流水之審為淵者上面流水底下停畜之處皆謂之淵桓之處止水之處上面流水底下停畜之處皆謂之淵

淵有九名見列于此不過處其三言尚未盡也止水之  
淵以況地文杜德機是全然不動鯢桓之淵以況天壤  
善者機雖淵水不動有鯢盤桓其中便有靜中微動意  
流水之淵以況太冲莫勝衝氣機水上一半流下一半  
止流止各半正得其平故以爲太冲衝氣  
之喻未始出吾宗宗即所謂大宗師也

李士表

李咸者以我之心感人之心以我之見感人之  
見故禍福壽夭之妄名起矣名既已妄又妄言

之世之滯于相而不能冥妄者又妄受之直以是爲真  
故棄而走也彼至人者踐形于無形之表超數于無數  
之先又惡得而相哉故始示以地文而疑其死次示以  
天壤而疑其生殊不知形之生死心之起滅也心之起  
滅見之有無也壺子未始有心靜與陰同德動與陽同  
波冲則陰陽之中莫勝天地之平也萬法一致本無高  
下彼見不一謂不齊耳三者皆謂之機以其動之微可  
得而見也及其未始出吾宗則示以無所示彼以實投

我而此虛彼以有受我而此無彼之起心役見有盡此  
之離人入天無盡所以自失而走也壺子謂見吾三機  
則猶立我與之虛而委蛇不知其誰何則我亦忘矣示  
之者誰邪見之者誰邪莊子論應帝王而言此者夫帝  
王之應世唯寂然不動故感而遂通唯退藏于密故吉  
凶同患一將出其宗與弊焉以天下為事則人得而相  
之矣古之帝王所以蕩蕩  
乎民無能名焉者以此

王曰

古者帝王之治天下必有不測之用故使人不可  
得而相孔子曰君子有三變望之儼然及其即之

又變而為溫然聽其言也又變而為厲矣是豈可執一  
而相哉夫堯一而已就之如日望之如雲其仁如天其  
知如神若此之多變然則聖人出而治天下使人  
不可得而相者固所以取天下而用之之道也歟

筆乘

不震不正崔本作不震不止全然列子作灰然莫  
勝列子作莫朕審列子作潘無與親列子作無親

封哉列子作封戎似  
于文義為優當從之

無為名尸無為謀府無為事任無為知主體盡無窮而

遊無朕盡其所受乎天而無見得亦虛而已至人之用

心若鏡不將不迎應而不藏故能勝物而不傷

尸主也  
府聚也

郭注

無為名尸因物則物各自當其名也無為謀府使  
物各自謀也無為事任付物使各自任也無為知

主無心則物各自主其知也體盡無窮因天下之自為  
故馳萬物而無窮也遊無朕任物故無迹也盡其所受  
乎天足則止也無見得見得則不知止也亦虛而已不  
虛則不能任羣實也若鏡者鑑物而無情也不將不迎  
不藏來即應去即止也物來即鑒鑒不  
以心故雖天下之廣而無神勞之累



呂注

無為名尸則我無名而天下莫能名無為謀府則我不謀而天下為之謀無為事任則我無為而任

事者責無為知主則我無慮而天下為之慮體盡無窮則光大之至遊乎無朕則鬼神莫覩況于人乎若然者盡其所受于天而無見得所謂常因自然而不益生也所謂虛者豈虛之而後虛哉吾心本虛故也其心若鏡不將則既往無所存不迎則未來不可見應而不藏則方今不可得盡其受于天者如此是以勝物而不傷也

南海之帝為儵

叔

北海之帝為忽中央之帝為渾沌儵

與忽時相與遇于渾沌之地渾沌待之甚善儵與忽謀

報渾沌之德曰人皆有七竅以視聽食息此獨無有嘗

試鑿之日鑿一竅七日而渾沌死

儵喻有象忽喻無形渾沌清濁未分喻自

然也簡文云條忽取神速譬有  
為也渾沌合和貌譬無為也

郭注

為者  
敗之

呂注

南陽喻條然而有北陰喻忽然而無中央不有不

與之異故云待之甚善知其為善而謀報之則所以視  
聽食息者日鑿而與物通矣欲其朴之不喪不可得已

管見總論

古之應帝王者無為而萬物化無欲而天下  
足淵靜而百姓定故南華以蓄缺問王倪為

是篇之首有虞喻多慮泰氏喻無為無為足以配天此  
帝王所應也若夫以已出經式義度欲以化天下之民  
無異鐙戈烹掘而致為鼠是速其高飛深穴之逃耳盖  
有為則有心有心則知謀所由出姦詐所自生雖父子  
之天有所不能固其于君民之際求如標技野鹿之相  
忘可得乎是以天根問為天下答以心澹氣漠順物無


私子居問明王之治答以忘功善貸使物自喜皆所以  
應帝王之道以無為為之者也鄭有神巫知人生死喻  
知謀之士審觀時政足以料國之興衰和謀數術不越  
乎人為之偽所以用之有窮而無為之主則豈知謀可  
度術數可窺哉結以南北二帝遇于中央言道散為物  
離無入有今會而一之非不善也有一則有散所以啟  
隆忽之鑒不若彼此  
無心相忘而交化也

### 內篇管見總論

南華一經其言也滿激籟號跌宕乎諧  
子之表若不可以繩墨求而內篇之與

窮神極化道貫天人隱然法度森嚴與易老相上下始  
于逍遙遊終以應帝王者學道之要在反求諸已無通  
非樂然後外觀萬物理無不齊物齊而已可忘已忘而  
養生之主得矣養生所以善已應世所以善物皆在德  
以充之充則萬物符契宗之為師大宗師之本立矣措  
諸治道也何難內則為聖為神外則應帝應王斯道之

所以欲之一身不為有餘散之天下不為不足也夫真  
人之所造指即七篇而不泥離七篇而脗合所以外混  
光塵內存慧照善學者  
於內篇求之思過半矣



莊子翼卷二